

SIMPLICIVM
MEDICAMENTORVM
EX NOVO ORBE DELA-
TORVM, QVORVM IN
MEDICINA VSVS
EST, HISTORIA,

Hispanico sermone descripta à D. NICOLAÒ
MONARDIS, Hispalensi Medico;

Latino deinde donata, & annotationibus, iconibúsq;
affabrè depictis illustrata à CAROLO
CLVSIO Atrebate.

ALTERA EDITIO.



ANTVERPIÆ,
Ex officina Christophori Plantini,
Architypographi Regij.
M. D. LXXIX.

SUMMA PRIVILEGII.

PHILIPPI Regis Hispan. &c. Ducis Brab. &c.
Privilegio cautum est, ne quis ante quadriennium citra
Christophori Plantini voluntatem, librum De Simplicibus
medicamentis ex Occidentali India delatis,
quorum in Medicina usus est, &c. imprimat, aut ali-
bi impressum importet, venalemve habeat, intra omnes di-
tionis eius fines; qui secus faxit, confiscatione librorum, &
pæna sisco Regio exsoluenda, multabitur: vt latius patet in
ipso diplomate.

Subfig.

I. de Witte.



M E D I C A M E N T O R V M

EX NOVO ORBE DELATO-
RVM, QVORVM IN MEDICINA
VSVS EST, HISTORIA.

Copal & Anime.

DVO resinarum genera multum similia
ex Hispania noua adferuntur, quorum
vnum Copal vocatur, alterum Anime.

COPAL resina est admodum can- Copal.
dida, & lucida, & transparens, magnis
fragmentis, Diacitri valde transparentis
haud dissimilibus, satis odorata, sed non perinde vt Anime.
Ea Indi in suis sacrificiis suffumigij loco vtebantur, eamque
ob causam Sacerdotibus in templis suis frequenti in vsu, ad-
eò, vt cum Hispani nostri primum eò appellerent, huiusmo-
di suffitibus naribus eorum admotis exciperentur.

UTILIS est ad frigidos capitis morbos, & Thuris, aut
Anime vicem explet. Calida secundo gradu, humida primo.
Resoluit ac emollit, ob partes quas habet aqueas.

ANIME arboris est lacryma seu resina, alba, ad Thu- Anime.
ris colorem nonnihil vergens, verum Copali magis oleagino-
sa. Defertur granis Thuris, sed crassioribus, que constricta
luteum colorem ostendunt instar resinæ: gratissimi ac sua-
uissimi est odoris, & prunis imposita, facile consumitur.

DIFFERT ab Anime Orientali, quod neque tam Anime oriē-
tale.
candidum, neque tam lucidum sit. Orientale item magnis
fragmentis adfertur transparentibus, * ita vt nonnulli Cha-
rabe seu Succini speciem esse suspicati sint, quam Ambarum Ambarum
colliquatū.
colliquatum nuncupant, è quo sphaerulae precarie tornantur,
cum nihil sit minus: nam Charabe Bitumen est, cuius ma- Charabe, &
eius natales.
gna fragmenta hamis ferreis è mari Germanico eruuntur,

Succinum
non est la-
cryma.

Anime A-
mericum.

Anime fo-
culates.

Xolochco-
palli.
Copalca-
huitl.

Toçot-gue-
bit.

utpote quod è fontibus in ipso mari manat, Bituminis mo-
do, atque aëri expositum, statim cogitur & dēfatur, ut con-
iicere licet ex bacillis, & aliis maris purgamentis, quæ in
fragmentis illis conspiciuntur. Vnde eorum error colligitur,
qui Populi lacrymam aut Pini esse putarunt. Hermolaus
Barbarus vir doctissimus, ait Anime Orientale colligi vici-
nis locis pago, in quo Thus nascitur, & ab illius pagi nomi-
ne, Anime vocari.

NOVÆ Hispaniæ Anime colligitur ex arboribus me-
diocris magnitudinis, per incisionem, Thuris aut Mastice
modo.

HUIUS vsus est in plerisque, sed capitis præsertim
morbis, à frigiditate prouenientibus, & defluxionibus pur-
gationes subsequenter, cubiculis per hiemem (etenim aë-
rem purgat) & capitis operimentis, dormire sub noctem
volentibus, sufficit, quinetiam ipso capite, si qui cephalæa &
hemisphæria laborant: nam caput roborat.

MISCETVR emplastris & Ceratis, ubi roborare, &
frigidos humores, flatusq; resolvere opus est. Thuris vicem
supplet, cum in suffutibus, tum in iam dictis. Cerebrum ro-
borat, emplastri modo adhibitum, atque etiam ipsum ven-
triculum reliquasque partes nervosas, Cerati modo, tertia
parte cera admixta; atque sic gestatum diutius, & subinde
renouatum, frigiditatem è quacumque corporis parte elicit.
Calida est secundo gradu, humida primo.

Gomara in Mexicana Historia duo Copalis genera facit; alterum
rugosum, quod Xolochcopalli vocari dicit, molle, Thuri simile: alte-
rum, multo præstantius, Copalcahuitl, quod plerique myrrham exi-
stimarunt. Vulnerata arbore guttatim stillat liquor albus, qui statim
concrefcit.

* Qui plura de Orientali Anime volet, legat nostras annotationes
in cap. 8. lib. 1. Historiæ Aromatum. Nobilioris illius Orientalis Ani-
me fragmento, quod aliquot uncias pendebat, donatus sum ante bien-
nium à doctissimo Hugone Morgano Pharmacopola Londinensi.

Refert Fragosus, in India Occidentali arborem inueniri Toçot gue-
bit, id est, lignum desiderij seu exoptatum, dictam, Populo similem,
summi candoris, cuius materies, ob candorem, læuorem, & splendo-
rem, sum-

rem, summè expetebatur ad idola fabricanda. Sub cuius cortice nascitur gummi seu Resina, Thuri nostro similis, sed candidior, & minoribus fragmentis, quo istic vtuntur, vt nos Thure.

Tacamahaca.

DEFERTVR item ex Noua Hispania, aliud gummi ^{Tacamahaca.} seu resinae genus, ab Indis Tacamahaca vocatum, quod nomen apud Hispanos retinuit. Colligitur vulnerata arbore, magna vt Populus, admodum odorata, cuius fructus ruber est, Peoniae seminis modo.

PLVRIMVS huius vsus est apud Indos, praesertim in ^{Tacamahaca facultates.} tumoribus omnibus: nam eos mirabiliter resoluit, maturat, & tollit, vti etiam omnes dolores ab humoribus frigidis & flatulentis prouenientes.

COLORE est Galbani (nec desunt qui idem esse putent) vnguibus albis, vti Ammoniacum, odore graui, atque etiam sapore, ita vt prunis iniecta, & naribus admota, mulieres vteri suffocatione laborantes ilico liberet. Umbilico emplastri modo imposita, vterum suo loco retinet: atque huius vsus adeò mulieribus est familiaris, vt ab eis maxima ex parte absumatur, quandoquidem efficacia experiantur eius remedia, cum in vteri suffocationibus, tum in roborando ventriculo. Nonnullae delicatiores ambarum & moschum addunt. Maximè utilis est, ad resoluendos & tollendos omnes dolores, ab humoribus frigidis & flatulentis prouenientes, emplastri modo adhibita: Eiusdem est efficacia in tumoribus frigidis, quoniam eos resoluit, maturat, & absomit ilico. Non liquefcit, sed ita tenaciter semper adheret, vt auferri, nisi opere absoluto, non possit.

EXPERIMENTO comprobatum est, qualescumque defluxiones reprimere, linteo exceptam, & ad vtramque aurem, aut eam ad quam fit defluxio, adpositam. Temporibus imposita cerati modo, defluxum in oculos, aliasq; faciei partes detinet. Dolorem dentium sedat, dentibus, etiam corruptis, imposita: atque si hac dens corruptus vstuletur,

prohibet ne corruptio longius serpat. Pectori & humeris ut emplastrum imposita, dolores eorum finit.

Emplastrum
stomachi-
cum,

Ex ea, styracis tertia parte, & ambari momento, fit emplastrum stomacho longè utilissimum: siquidem eum roborat, appetitum ciet, concoctionem iuuat, & flatus discuit. Eodem modo cerebro imposita, eum roborat, & dolores auferit. Magna est efficacie, in doloribus coxendicis, & omni articularum morbo, præsertim si ab humoribus frigidis aut mixtis proueniant: quoniam eius resolutio adstrictionis particeps est, qua de causa mirum in modum partes roborat.

SOLA, iuncturarum aut nervorum vulneribus imposita, ea curat: nam statim suppurat & spasmus prohibet. ego tertiam partem cere admisceo, quoniam facilius inducitur.

IN summa, adeò celebris est eius usus, ut plebs ad qualemcumque dolorem aliud remedium non nerit, modò non sint inflammationes admodum calidæ: sed & in his admodum utilis est, in morbi declinatione, ad discutiendum qui supererat humorem. Calida est initio tertij gradus, multa adstrictionis particeps, & sicca in secundo.

Caraña.

Caraña.

Ex Continentis parte interiore, per Carthaginem & Nomē Dei, desertur resina colore Tacamahacæ, sed splendior, liquidior, ac densior, lingua Indica Caraña dicta, quod nomen etiam apud Hispanos retinuit, odore Tacamahacæ, sed grauiore. Pinguis est & oleaginosa, ideòque tenax sine multa adglutinatione & colliquatione. Medicamentum nouum est, quod decem annis elapsis primùm huc illatum est.

Caraña fa-
cultates.

Ea vtuntur Indi in tumoribus & omnis generis doloribus. Ad eosdem morbos laudatur, quos Tacamahaca curare solet, & minore temporis spatio vires suas exerit: sic ut quos Tacamahaca non curarit, Caraña sanat. Exemplū vidimus in eo qui ob humeri cruciatus iam multo tempore brachium mouere non poterat, tamen si Tacamahaca usus esset: sed postquam

postquam Caraña vti cœpit, triduo sanitati restitutus est.

MIRA est eius vis in iuncturarum doloribus: nam imposita, facile eos curat, modò nulla sit calidorum humorum influxio. Tumores inueteratos dissoluit, defluxiones humorum frigidorum aut mixtorum sistit: ad quosuis neruorum & cerebri dolores valde utilis: Vulnera q̃ recentia, neruorum præsertim & iuncturarum nullo alio admixto medicamento sanat. Defluxiones in oculos & alias partes reprimat, ad aures atque temporibus imposita. Excedit secundum caloris gradum. Colligitur vti superiores, vulneratis arboribus.

SED ex eadem Carthagine noui regni prouincia, allata ad nos est Caraña quadam purior, & Balsami modo limpida, superiore multò præstantior, utilior, & odoratior.

Caraña purior.

Oleum Cicinum.

GELISCO nouæ Hispaniæ prouincia, oleum seu liquor quidam adfertur, cui, oleum ficus infernalis Hispani nomen indiderunt, eo quòd ex arbore cum fructu, tum foliis simili Ricino, sed in maiorem altitudinem, ob soli vbertatem, excrecente, elicatur.

Oleum ficus infernalis.

EADEM verò ratione hoc oleum Indi eliciunt, quam docuit Diosc. lib. 1. cap. 30. hoc est, contuso semine, deinde in aqua cocto, postremum oleo innatante coctibularibus excepto. Hæc eliciendorum oleorum ratio è seminibus & fructibus, Indis admodum familiaris est, quippe qui nullam expressionem norint: sed etiam hoc oleum eo modo quàm expressione facilius elicatur.

Oleorum eliciendorum ratio.

MAGNIS viribus pollet istud oleum, veluti experientia, & multo eius vsu comprobatum est, cum in India, tum in his regionibus. Omnes morbos ab humorib. frigidis provenientes sanat, omnes tumores dissoluit, flatuq̃ discutit, præsertim ventris, eamq̃ ob causam non modò in Anasarca utile. sed in omnib. hydropisis generibus, si venter eo inungatur, & aliquot gutta vino aut alio liquore cōmodo excepta sorbeantur;

Olei cicini facultates.

beantur; etenim aquas euacuat, quod etiam minore noxa facit, clysteribus iniectum. Ventriculum frigidis humoribus & flatibus liberat: & coli doloribus vtile, si partes affectæ eo inungantur, & aliquot guttula sumantur. Efficacius subuenit Ilei doloribus, vt experientia nos docuit. Dolores iuncturarum, modo à causa non admodum calida proueniant, tollit, humorem euacuando, si aliquot huius olei gutta pingui iure gallinae dissoluta sumantur. Partes corporis contractas, si eo inungantur, curat, nervos emolliendo, & extendendo. Stomachum, vterum, & lienem obstructionibus liberat inunctione. Aluum puerorum emollit, illito toto ventre, atque ventris animalia pellit, maximè si eius vna aut altera gutta è lacte aut iure pingui propinètur. Ad psoras & vlcera capitis manantia valet: prodest aurium doloribus, & omnibus cutis vitis, varosq; mulierib. plerumq; infestos illitu expurgat. CALIDVM est initio tertij gradus, humidũ secundo.

RICINVS AMERICVS.



Hoc Ricini

BITUMEN ET AMBARVM.

9

Hoc ricini genus ego vidi, quod ante aliquot annos ex America ad-
ferri cepit, vulgari paulo maius, cuius operimentum seu siliqua illa
triangula quæ semina continet, tuberculis asperis non est obsita, vt in
vulgari, sed læuis & cinerei coloris. Ipsum granum siue semen vulgari
simile, nigrum tamen & non maculosum vt illud, mirifica (vt aiunt)
purgandi facultate præditum: nam etiam si dimidia tantum vnius gra-
ni pars sumatur, valenter supernè & infernè purgare referebat qui mi-
hi dabat, & Curcas istuc ab incolis vocari.

Et quandoquidem in ricini mentionem incidimus, videre memi-
ni, dum Hispanias peragrarer, circa Malacam, & Calpen ad fre-
tum Herculeum, aliisque maritimis Bæticæ locis, Ricini plantas cras-
situdine humana, altitudine verò trium hominum, multis prægrandi-
bus ramis brachiatas instar aliarum arborum: hi rami (multis enim
annis durat arbor) tertio aut quarto quoque anno putari solent. Ex-
actissimè sanè conueniebant Dioscor. descriptioni. Refert etiam Bel-
lonius lib. 1. obseruat. cap. 18. magnas in Creta insula Ricini arbores se
obseruasse. An verò his similis sit ea arbor quæ Curcas Americorum
profert, planè ignoro, cum is qui inde fructum eum attulisset, arboris
formam describere non posset, & eum siccum, qualem hic exhibeo,
dumtaxat viderim.

Bitumen.

IN Cuba inueniuntur fontes iuxta littus maris, Bitu- Bitumen.
men nigrum manantes, veluti pix, grauis odoris, quo Indi
in morbis frigidis vtuntur. Hispanis seruit picandis nauibus,
quia pici nauali similis est, sed seuum admiscet, vt melius
induci possit. Veterum Naphtham esse puto, cuius duos fon- Naphtha.
tes Babylone inueniri Posidonius refert, albæ & nigræ.

Nos eo Bitumine vtimur in vteri morbus, quod eum Bituminis
suffocatione liberet, naribus admotum, aut vulus inditum, facultates.

CALIDVM est in secundo gradu, & humidum in
primo.

Ambarum.

NUNC mittit nobis Florida noui orbis prouincia Am- Ambar gri-
bar quod vocant Griseum, idque in littus eiectum inueni- seum.
tur à Canaueral ad promontorium vsque D. Helene.

VARIA est circa eius originem opinio: sed verissimum Ambar bi-
est, Bituminis genus esse ex fontibus in alto mari manans, tumen est.
quod aëri expositum, illico densatur, vt solent pleraque, quæ
sub ma-

sub marinis aquis tenella & mollia sunt, at aqua exempta, durantur, vt Corallium, Succinum.

SOLVS Simeon Sethi & Aëtius inter Græcos eius minerunt, è quibus prior, Bituminis modo è fontibus suis manare asserit, pessimūq; id esse quod à piscibus deuoretur.

Ambar non
est sperma
Balene.

INDE conuellitur eorum opinio, qui Balenarum sperma esse asserunt, ex eo decepti, quod interdum in Balenarum ventriculus inueniatur, quæ illud aquis innatans nonnumquam deuorant, alimentum esse existimantes.

VERVM est, meo tempore Balenam circa Canarias, quas fortunatas insulas putant, captam, in qua inuenta sunt plus quàm quatuor Ambari libræ: postea tamen insuitas Balenas cum suis catulis interfecerunt, sed nihil Ambari in eis inuentum est.

NON desunt qui Ambar ex fructu quodam ad maris litus nascente fieri dicant, qui Aprili & Maio mensibus maturefcit, & odoratus est, quem decidentem vorant Balena, quasi fructus in alimentum cedens, aliud quàm sanguinem & carnem generare possit.

Ambari de-
lectus.

OPTIMI delectus est, vt nonnihil ad rubedinem tendat, album non aequè bonum, nigrum deterrimum.

EXCALFACIT, resoluit, roborat, quocumque tandem modo applicetur: nam calidi est temperamenti & sicci, cum pinguedine quadam, quæ illi facultatem emolliendi tribuit.

Ambari fa-
cultates.

VARIÆ sunt Ambari facultates: nam cum oleo florū mali Arantijsive Assyrii in calente mortario permixtum, & vnguenti modo capiti illitum, illius dolorem leuat, cerebrum roborat & nervos, & frigidos qui infracti sunt humores resoluit: ad eadem efficax, emplastri modo cum Alypta muscata assidue gestatum.

EIVS solius, aut cum moscho & ligno aloës permixti olfactu, cerebrum roboratur, memoria augetur, spiritus vigor &

gor & cordis vires reficiuntur : ideoque in pestis contagiis eius odor adprime utilis est , nec minus his qui frigidis defluxionibus vexantur, conuenit, si capitis tegmina atque etiam cubiculum vbi dormiunt, per hiemem eo suffiantur.

MAXIME prodest senibus, quod illorum spiritus vegetet, cor & cerebrum roboret, & crassos lentosque humores, quibus plurimum abundat, extenuet, siue cibus indatur, siue vestes suffiantur, siue cerebro cordisque regioni applicetur, siue vino, quo sibi faciem & manus abluunt, permisceatur.

SCOBIMagnetis, galbanoque miscetur, & emplastri modo mulierum vmbilico impositum, vterum suo loco retinet, & reliquos eius morbos profligat : eius autem assiduus odoratus prodest vteri procidentis, suffocationibus vero, in Liquid-ambar dissolutum, & xylo exceptum, vterique ori inditum.

STERILITATI à frigidis humoribus orta, hac compositione mederi soleo, quæ recipit Ambari partes duas, rasura eboris tenuissime trita vnâ, pulueris ligni aloës partem dimidiam, cum algaliæ momento fiunt catapotia, quorum tria pendencia drachmam vnâ singulis triduis dabuntur, & emplastrum vmbilico, pessum vteri colo imponetur, purgatis tamen prius vti decet.

Catapotia
pro sterili-
bus.

Ex eo, alypta moschata, & styrace fit emplastrum scuti forma, quod stomacho adpositum, eum doloribus liberat & excalfacit. Ex eadem massa factæ pilule, & mane sumptæ, flatibus discutiant, concoctionem iuuant, & appetentiam excitant : idem prestat ex vino odorifera mane sumpta hæc massa.

Emplastrum
ex ambaro.

Catapotia
alia.

TRITVM ambar & cera lutea exceptum, cordis regioni vtilissime imponitur, ad sedandos dolores à flatibus aut alia quauis causa (modo calida non sit) prouenientes.

EADEM ratione qua senibus, melancholia laborantibus etiam conuenit, & paralyticis, si eo aut eius mixtura suffiantur,

suffiantur, aut cerebrum, totaque spina eo inungantur: etenim Ambar præ cæteris medicamentis nervos et cerebrum roborat. Quinetiam epilepticis fumus illius, naribus exceptus, conuenit, siquidem eos excitat, & si assidue id odorentur, non tam facile, neque tam vehementer eo morbo corripiuntur.

Ambar inebriat.

ILLVD admiratione dignum, quod Simeon Sethi scribit. Siquis Ambar odoretur antequam vinum bibat, eum veluti ebrium ferri; si verò iniiciatur vino, maximè inebriare.

Liquid-ambar & eius oleum.

RESINA quam Liquid-ambar, & oleosum quiddam, quod oleum de Liquid-ambar, vocamus, ad nos ex Hispania noua adferuntur, vtrumque odoratissimum, præsertim oleum, quod delicatioris & suauioris est odoris.

Liquid-ambar.

Ocoçol.

EST verò Liquid-ambar resina collecta per incisionem ex arboribus vastæ magnitudinis, pulchris & ramosis, cuius folia hederaceis similia sunt, Ocoçol Indi vocant, cortice crasso, cinereo, qui incisus aut vulneratus crassum Liquid-ambar eiaculatur, cui cortex comminutus, odoris causa admiscetur, vt scilicet suauius & diutius spiret in suffitibus.

VBI nascuntur eiusmodi arbores, fragrantissimus est aeris odor, adeò vt Hispani primum eò appellentes, istic aromata nasci, atque adeò eas aromatiferas esse arbores existimarent.

TANTA quantitate in Hispaniam infertur Liquid-ambar, vt mercium vicem suppleat, vtribus & dolis eo impletis: eo etenim hic vtimur in suffitibus, odoramentis, pastillis, Styracis liquida loco, cuius odor proximè ad hunc accedit: adeò autem validus est, vt celari, etiam suffitibus nõ additum, non possit, & totas ades, si eius sit copia, atque adeò plateas suo odore impleat.

Liquid-ambar facultates.

PLVRIMVS in medicina eius vsus est: nam calfacit, roborat, resoluit, & anodinum est. Cerebrum, per se illitum, aut

tum, aut aliis aromatibus admixtum, roborat, & doloribus liberat, omnigenosq; dolores à causa frigida, vt emplastrum impositum, mitigat. Ventriculo adprimè utile, stomachicè modo adhibitum: etenim ipsum roborat, concoctionem iuuat, digerit, concoquit, & appetentiam excitat.

CUM Styracis, Ambari, & Moschi momento mixtum emplastri consistentia, & scuti forma super alutam extensum, omnibus predictis morbis maximè prodest, eiusq; emplastri ob insignes facultates in hac vrbe laus est. Calidum in fine secundi gradus, humidum in primo.

Ex eo recens collecto, & eo loco posito, vt per se tenuior eius substantia stillare possit, oleum quod de Liquid-am-
 bar nuncupant, elicatur, multo perfectissimum, eoq; longè
 suauius. Sunt qui expressione etiam eliciant, vt maiorem
 quãtitatẽ colligant: nam chirothecis imbuendis plurimum
 absurnitur.

Oleum de
Liquid. am-
bar.

VTILE est medicamentum ad plerosque morbos frigid-
 dos; nam calfacit, resoluit, et omnem tumorem emollit: ita-
 que vteri tumoribus, obstructionibus prodest, mensesq; pro-
 uocat. Calidum serè in tertio excessu.

Eius facul-
tates.

SCIENDVM tamen est, plerosque hoc ex India infer-
 re non perinde bonum, quoniam è ramis eius arboris commi-
 nutis et coctis, pinguedinem innatantem colligunt, vendunt-
 que pro legitimo.

EIVS arboris pampini & summitates in fasciculos col-
 lecti vestibus & stragulis, ab Indis inferuntur, odoris gratia:
 in eumque vsum Hispanis etiam vendunt.

Balsamum.

LAUDATISSIMVS ille liquor, qui, ob excellentes
 & mirabiles effectus, Balsamum, ad veri Balsami (quod
 in Aegypto nascebatur) imitationem, nuncupatur, in
 Hispania noua elicatur ex arbore Punica malo maiore, cuius
 folia vrtis

Balsamum.

folia vrticæ similia, serrata & tenuia sunt, Indi Xilo [Gomara Zilo] vocant.

Balsami ex-
trahendi du-
plex ratio.
Prior.

Alter.

FIT autem duobus modis. Vno, multis incisuris vulne-
rato arboris cortice, qui tenuis est, è quibus liquor emanat,
tenax, subalbidus, excellentissimus & perfectissimus, sed
adeò pauca quantitate, vt ad nos non inferatur. Altero, In-
dis admodum familiari, in eliciendis succis ex quavis arbo-
re. Ramos atque etiam truncos arboris assulatum & minu-
tim concisos, in lebetem amplissimum iniiciunt, multa de-
super adfusa aqua: bulliunt omnia & feruent quantum sa-
tis esse putant, igne sublato frigesce sinunt, & conchyliis
oleum supernatans colligunt. Id verò est, quod in has regio-
nes inuehitur, & quo vulgo vtimur, colore ex nigro rubente,
odoris suauissimi. Vasculis argenteis, vitreis, stanneis, aut fi-
ctilibus vitratis asseruatur, aliam omnem materiem pe-
netrans.

IN medicina huius vsus receptus est, non nuperrimè, sed
statim eo ferè tempore quo Hispania noua nobis patefacta
est: nam cum Hispani Indos sua vulnera hoc succo glutina-
re animaduertent, illos statim imitari cœperunt.

Balsami æ-
stimatio.

CUM primum in Hispaniam illatum est, ob eius insi-
gnes facultates magna fuit, vt decet, æstimatio: eius vn-
cia nunc viginti, nunc decem ducatis æstimabatur; at nunc
temporis eius libra non plaris quàm tribus aut quatuor du-
catis æstimari solet. Romam primum delatum, eius vncia
centum ducatis venit: postea, tanta eius quantitate illata,
vilescere cœpit, & etiam gratis quodammodo dari, vt solet
in rerum abundantia siue raritate plerumque contingere.
Nam cum magno veniret, omnes eius virtutes admiraban-
tur atque requirebant: postquam verò eius imminutum est
pretium, non æstimatur, cum tamen idem Balsamum sit
quod fuit cum centum ducatis vncia venderetur.

ET sanè, licet nihil aliud nobis intulissent India, quàm
hoc mira-

hoc mirabile Balsamum, Hispanorum tamen labor in illu-
investigandis non inutilis existimandus est: etenim iam mul-
tis annis perit id Balsamum quod in Aegypto nasci solebat,
nec usquam gentium amplius inuenitur: idcirco nobis Deus
opt. max. eius loco Balsamum nouæ Hispaniæ dedit, quod
meo iudicio inferius non est Aegyptiaco, si mirabiles eius ef-
fectus & utilitates consideremus.

TRIFARIAM verò in medicum usum recipitur:
nam aut interius assumitur, aut exterius inducitur, aut me-
dicamentis chirurgicis admiscetur.

Balsami tri-
plex usus.

INTVS assumptum mane ieiuno ventriculo, asthma-
ticis utile est, & vesicæ doloribus: menses etiam ciet, vt &
pessi modo subditum. Eius quatuor aut quinque guttule vi-
no aut aqua rosacea in cochleari exceptæ & diluculo sensim
in guttur instillatæ, sic vt linguam non contingant (nam
Balsami sapor diutius in ore hærens forsitan nauseam etiam
moueret) veteres stomachi dolores finiunt, eumque robo-
rant, coloremque commendant & anhelitum. Iocinori pro-
dest, obstructions aperit, atque iuuentam conseruat. Magna
existimationis vir mihi probè notus, ab eius usu nullos dolo-
res sensit, & tametsi senex, tam validus est, vt iuuenis vide-
atur. Phthisicos leuat, & sterilium vterum expurgat, pessi
modo adhibitum.

Interius as-
sumptum.

FORIS, calidum cum plumula illitum, omnes cru-
ciatus ex humoribus frigidis prouenientes tollit, præsertim si
lintheum Balsamo delibutum adponatur. Tumores & dema-
todes discutit & absomit: quamlibet corporis partem ro-
borat. Capiti illitum, cerebrum reficit & fouet, omnemque
humorem noxium absumendo, dolores tollit. Paralyticis suc-
currit, cerebro, ceruice, spina, & ea parte quæ paralyti ten-
tata est, inunctis: eadem ratione, ad omnes nervorum mor-
bos & contractions utile est. Stomacho illitum, eum robo-
rat, concoctionem inuat, & flatibus obstructionibusq; libe-
rat, sicuti

Foris addi-
tum.

rat, sicuti & Lienem, quem etiam emollit. Nephritidem, nec non ventriculi dolores à causa frigida aut flatibus ortos, calidum loco dolenti impositum sedat: idem præstat panis calido inditum, sicq; adpositum. Urinam ciet & expellit illitum. Summè laudatur in articulorum doloribus, præsertim coxendicum, quod omnem duritiem & tumorem residuum discutiat.

Cheirurgi-
cis medica-
mentis indi-
tum.

CHEIRURGICIS remediis inditum, valde vile est: & quia molestum esset omnia enumerare, eius iudicio ea relinquo, qui eo utetur, ut id scilicet aliis medicamentis commisceat, quæ ad rem utilia esse iudicabit. Vulgare sanè admodum est eo in recentibus vulneribus uti; nam statim ea sine suppuratione glutinat, quinetiam in iis utile, ubi contusio adglutinationem impedit; quod statim digerat, & reliqua præstet quæ ad vulneris vsque glutinationem necessaria sunt, ut non abs re Pauperum cheirurgia censeretur: eaque de causa pauca sunt in hac vrbe ades, in quibus non seruetur Balsamum. Neruorum, iuncturarumque vulnera præ reliquis medicamentis ad cicatricem perducit, contractionemq; prohibet. Capitis vulnera curat, modo cranium illesum sit: sic etiam omnia recentia vulnera in qualibet corporis parte, modo sint simplicia. Antiqua vulnera, per se, aut cum alio vnguento impositum, mundificat, & ad cicatricem perducit. In diuturnis febribus, spina eo calente inuncta dimidia hora ante paroxysmum, & illico quinque aut sex guttis eius in vino sumptis modo prædicto, horrores discutuntur, si ter aut quater id remedium repetatur.

GUSTV est acuto, & aliquantulum amaro: vnde colligere licet, adstrictionis particeps esse, calidum & siccum in secundo gradu.

Balsamum
purius.

NUNC ex noui orbis continenti magna quantitate inferri cœpit Balsamum per incisionem extractum ex arboribus iis similibus quæ in noua Hispania nascuntur, ubi
Balsamum

Balsamum decoctione colligitur. Sunt autem ea arbores va-
 ste magnitudinis, et ad radicem vsque ramosae, duplici septa
 cortice, altero crasso Suberini modo, altero tenui, interno,
 materiem arboris amplectente. Ex eo quod inter utrumque
 corticem est spacio, incisione Balsamum educitur, alba limpi-
 dissimaque lacryma suauissimi odoris, qui insignes eius fa-
 cultates statim prodit. Et certum est eius guttulam potio-
 rem esse, alterius quod decoctione extrahitur libra, tametsi mira-
 culosos eius viderimus effectus.

Balsami ar-
 boris histo-
 ria.

Huius fructus (qui penes me est) exiguus pro arboris
 magnitudine: etenim ciceris aut pisi grano maior non est,
 amarigustus aliquantulum, inclusus extrema siliqua angu-
 sta, digitum longa, alba, & tenui. Eo fructu sese suffiunt
 Indi, ad capitis dolores & defluxiones.

Balsami fru-
 ctus.

Resina abiegna.

IBIDEM etiam colligitur liquor siue resina, quam a-
 biegnam vocant, ex arboribus spuris, quae neque Pinus, neque
 Cupressi dici possunt, sed Pino altioribus, & Cupressi modo
 rectus. In harum arborum cacumine vesiculae quaedam ena-
 scuntur nunc magne, nunc paruae, quibus confractis guttatim
 stillat liquor admirandus, quem Indi diligenter conchis exci-
 piunt, sed tanto labore & molestia, ut multi viri exiguam
 admodum quantitatem singulis diebus cogant.

Resina Bal-
 sani facul-
 tatibus prae-
 dita.

Eius usus est in omnibus ad quae Balsamum conuenit:
 siquidem vulnera optimè curat, dolores ex materia frigida
 & flatulenta progenitos mitigat. Vtilis item est stomachi vi-
 tiis ab humore frigido aut flatibus, sumpta ex modico vino
 albo, ut in Balsamo edocuimus.

Resina Carthagenensis.

NUNC etiam nobis mittit Carthago noui orbis pro-
 uincia resinam quandam purissimam & odoratissimam,
 abiegna aut Terebinthina Veneta multò praestantior, iis-
 dem facultatibus seu maioribus praeditam, quam sit sele-
 ctissima

Resina Car-
 thagenensis,
 & eius fa-
 cultates.

etissima Terebinthina. Experientia docuit, vtiliter inuici
neruorum, articulorum, pedumque vulneribus, & antiquis
vulneribus: magno etiam commodo, ea elota & preparata
marrone sibi faciem oblinunt.

Tabaco.

PLANTA Tabaco antiquitus in usu fuit Indis, Hi-
spanie praesertim nouae accolis; ad vulnera curanda. Paucos
ante annos in Hispanias delata, magis ad ornandos hortos,
quam ob eius facultates: nunc vero multo celebrior est ob
facultates, quam propter elegantiam,

Picielt.

Tabaco.

Tabaco hi-
storia.

NOMEN legitimum apud Indos est Picielt: nam
Tabaco nomen ab Hispanis illi inditum, ab insula quadam
eius nominis, ubi frequentissima nascitur.

MAGNA altitudine assurgit, & interdum malum
Assyriam, quam Limonem vocat, aequat, caule recto, multis
praegrandibus ramis brachiato: folio mali Assyriae fere, sed
ampliore, veluti Oxylapathi, colore viridi dilutiore, & ali-
quantulum hirsuto, uti tota planta est. Florem fert in sum-
mis ramis Campanulae modo, candidum, medio purpura scen-
tem, quo decidente succedunt veluti capitula papaueris ni-
gri, quibus continetur semen valde exiguum, colore ex cine-
reo nigricante. Radix crassa est & multifida, & lignosa,
intus crocea & amara, quae facile cortice suo delibratur: non
intelleximus tamen aliqua facultate praeditam esse.

Tabaco na-
tales.

NASCITUR plerisque Indiae locis, humidis praeser-
tim & vmbrosis, & ex culto leuius solo. Seritur omni tem-
pore: cum vero produit, a frigore praeseruanda est, & secun-
dum parietes plantanda ad eorum ornatum: siquidem toto
anno viret, Citriorum modo.

FOLIORVM duntaxat est vsus (tamen si eorum de-
fectu quidam semine vtantur) eaque, ut asseruari possint, filo
trahenda in vmbra suspenduntur & siccantur; deinde iis, aut
integris, aut in puluerem tritis, vtuntur.

CALIDA & sicca est in secundo gradu : itaque cal-
facit, resoluit, mundificat & aliquantulum adstringit, vt ex
sequentibus facultatibus iudicare licebit.

FOLIA huius plantæ calefacta & imposita, præsens <sup>Tabaco fa-
cultates va-
riæ.</sup> in Cephalæa & Hemicrania sunt remedium, si morbus ex
causa frigida aut flatibus ortus sit : sæpius verò sunt repeten-
da donec morbus tollatur : sunt qui caput oleo florum mali
arantiæ prius mungant. Idem remedium rigidis cervicibus
sive Tetano utile est, & in totius corporis doloribus ab ea-
dem causa ortis.

DOLORES dentium à causa frigida non modò finit,
dente prius detergo aliquo linteo eius succo delibuto, & pilu-
la ex eius folio confecta denti indita, sed etiam, ne corruptio
serpat, prohibet.

PECTORIS vitis, tussi veteri, asthmati, & similibus
ex frigido humore ortis morbis, foliorum decoctum ex aqua,
& eclegma ex eius decocto, vtilia sunt. Serapiū ex saccharo <sup>Serapiū ex
Tabaco.</sup> & foliorum eius decocto paratum, paucāq; quantitate sum-
ptum, putres humores pectoris eicit. Asthmaticis interdum
fumus eorum ore exceptus opitulatur : sed necessarias eua-
cuationes præcedere opus est, si mora ferri possit.

SUB cineribus calefacta folia, & sordida non excussis
cineribus, calidāq; sæpius imposita, ventriculo perfrictioni-
bus & flatibus laboranti auxilio sunt. Viridia folia alijs ma-
nibus oleo inunctis confringunt, & sic imponunt. Ventriculi
& Lienis obstructionibus folia pauxillo aceto intrita, diūq;
illita vtilia sunt; quibus deinde folia calefacta, aut lineus
pannus succo foliorum calente intinctus, superimponuntur.
Foliorum defectu, pulvis communi vnguento obstructiones
aperiente excipitur, & pars obstructa, aut tumore affecta
diu inungitur.

INDICÆ mulieres valde commendant in puerorum, <sup>Cruditati-
bus ventri-
culi.</sup> & etiam grandiorum stomachi cruditatibus : nam ventre
b 2 inferiore

inferiore prius inuncto oleo lucernarum, & foliis sub cineribus calefactis altero ventriculi regioni, altero tergori quæ ventriculum spectat, positis, eas cōcoquant, & aluum emolliunt, si quoties opus erit renouentur. Latas & teretes ventris tineas expellit foliorum succus cum saccharo coctus, & depuratus, pauca quantitate sumptus: vmbilico tamen etiam imponendum folium tritum, & alius deinde clystere eluendus.

Nephritidi.

NEPHRITICIS doloribus, folia sub cineribus, vt antè calefacta, & quàm calidè fieri potest adposita, magnum adferunt leuamē, idem remedium quoties opus erit repetendo. Commodè etiam clysteribus iniiciuntur, atque etiam fomentationibus, & emplastris admiscebuntur.

Vteri suffocationi.

IN suffocationibus vteri, folia probè calefacta, & vmbilico, vterique regioni imposita, presens adferunt remedium: quod si (vt sit interdum) animi deliquium subsequatur, fumus illorum naribus obiciatur, ilico liberabitur: quod remedium Indicis mulieribus adeo vulgare est, vt ea de causa Tabaci folia diligenter adseruent & magnifaciant. Sunt verò qui odorata vmbilico prius admouent, deinde folium. Maximè autem conferunt aut Tacamahaca, aut oleū de Liquidambar, aut Balsamum, aut Caraña, aut ex his omnibus emplastrum constans, & in vmbilico assiduè gestatum.

Articulorum dolori.

ARTICULORVM doloribus (modo humores frigidi sint, vel saltem non nimium calidi) efficacissimè folia calida adhibentur, aut eorum succo pannus lineus intinctus: etenim humores resoluunt & digerunt, ideòque etiam tumoribus œdematodis foliorum succo calido prius elotis, vtilissimè imponuntur.

Tabaco alexipharmacum est.

PERNIONES sanare, si ter aut quater huius plante foliis fricentur, deinde pedes & manus aqua calida cum sale abluantur, experientia docuit.

VENENIS, & toxico perniciosissimo, quo Cannibales suas sagit-

suas sagittas illinunt, resistere, paucis abhinc annis experti sunt nonnulli: nam antè, sublimatum vulneribus inspergere solebant. Toxicia autem vires infringere hac ratione sciuerunt Hispani.

CONTIGIT vt quidam Cannibales in suis cymbis ad D. Ioannem de portu diuite nauigarent, Indorū, atque etiam Hispanorū (si quos reperissent) telis suis venenatis conficiendorum causa. Eò appellentes, Indos & nonnullos Hispanos conficiunt, plerosque autem vulnerant: cum verò sublimato carerent, a quodam Indo edocti sunt, vt Tabaci succum expressum suis vulneribus imponerent, & ipsa deinde folia trita: sedati sunt ilico dolores, & ea symptomata quæ huiusmodi venena subsequi solent, venenum superatum, vulnera deinde curata. Ex eo, foliis huius plātæ aduersus venena vti ceptum est. Rex ipse Catholicus, eius vires experiri volens, cani vulnus infligi iussit in gutture, & toxico, quo venatores vtuntur, illini, & paulo post foliorum Tabaci succum satis copiosè instillari, & ipsa folia trita supra vulnus ligari: liberatus est canis non sine omnium admiratione.

Occasio experiendi Tabaci aduersus venena.

EODEM modo venenatis pestiferisq; carbunculis imposita crustas inducunt, deinde curationem adferunt: & ad ictus morsusq; virulentorū animalium præsens sunt remedium.

Carbunculis.

RECENTIBVS vulneribus imposita, ilico sanguinem sistunt, eaq; glutinant: quod si maiuscula sint, vino prius euoluentur, & labiis vulnerum coniunctis, succus foliorum inspergetur, & ipsa folia trita supra vulnus alligabuntur: postmodum reliquisque subsequentibus diebus idem ordo seruabitur, victusq; ratio necessaria.

Recentibus vulneribus.

VETERA vlcera, Gangrenasque succus instillatus, & folia trita imposita detergent, curant, & ad cicatricem perducunt, purgato videlicet prius corpore ex medici consilio, & missione etiam sanguinis, si necessaria sit, facta: deinde obseruata quæ conuenit victus ratione.

Gangrenis.

Animalium
vulceribus.

PORRO non modò in hominibus eiusmodi vlcerà curare, sed etiam in animalibus ipsa experientia docuit: nam per vniuersam Indiam frequentia vlcerà vaccas, boues, & alia animalia infestant, quæ faciliè ob regionis humiditatem extremam putrescunt & vermibus scatent: quibus solebant inspergere sublimatum, melioribus remediis destituti: sed cum magno istic veneat, plerumque quod vlceribus inspergebatur pluris constabat, quàm animal quod curabatur, aestimari potuisset: Itaque Tabaci facultates in hominibus experti, illius etiam vsum ad putrida, fœtida, vermibusque scatentia animalium vlcerà transtulerunt, atque adeò compererunt, succum eius instillatum, non modò vermes necare, sed etiam vlcerà mundare, deinde ad cicatricem perducere: prodest etiam iumentorum exulcerationibus, ideòque Indi Tabaci puluerem semper circumferunt.

Polypo.

QVENDAM noui nariū vlcere laborantem, è quo sanies manabat, non sine contagij suspicionem: meo consilio instillauit foliorū Tabaci succum, à secunda instillatione multi vermes exciderunt, deinde pauciores, & post aliquot dies sanatū est vlcus, sed quæ erosa erant, non restituta. Illius etiam foliis impetigines, & capitis scabies vtiliter confricantur.

Tabaci fumus Indis frequens.

HÆC est celebrata illa Indicis sacerdotibus planta, quæ vti solebant ad responsa danda. Etenim apud Indos moris erat Sacerdotes de bellorum euentu, alijsq; magni momenti negotiis consulere. Consultus sacerdos, istius plantæ folia sicca vrebatur, & eorum fumum tubulo seu cannula quadam in os excipiebat, deinde quasi in extasin quandam raptus, cadebat, omni motu priuatus; sicq; permanebat aliquamdiu. Discussa eius fumifacultate, ad se redibat, referebatque negotium cum demone contulisse, & responsa dabat ambigua, vt, vt cumque euentus succederent, illis facile persuaderet, sic se prædixisse: eoq; modo barbaros illos homines miserè decipiebant.

CÆTERVM vulgus etiam Indorum eum fumum per os & nares recipit animi gratia, cum insomnia videre interdum, & extra se quasi rapi volunt, & etiam de suorum negotiorum euentu, ex insomniis quæ illis apparuerint pronuntiaturi.

At non est recens, plantas quasdam inueniri, quæ manducata, aut intro assumptæ, vanas species & imagines obuersari faciant. Siquidem Diosc. cap. de Solano manico, seu ^{Solanum} furiosum, eius radicem drachmæ pondere ex vino potam, facere species vanas imaginesq; non iniucundas obuersari scribit, sed duplicatum eius modum ad tres vsque dies, mentis alienationem afferre, quadruplicatum interimere. Anisum ^{Anisum.} si quis dormiturus edat, somnia excitari iucunda & suauia: contra Raphani esu, grauiæ & turbulenta. & sic de pleris- ^{Raphanus.} que aliis.

GARÇIAS ab orta refert Banguæ plantæ succum aliis ^{Banguæ.} admixtum, mentis alienationem facere, insomnia excitare, & omni solitudine liberare, veluti etiam Opium, quod O- ^{Opium.} rientalibus Indis admodum familiare est.

Sic & nostri Indi, oneribus ferendis aut aliis laboribus defatigati, Tabaci fumum hauriunt, & ilico, quasi mente alienati, corruunt: excitati verò, refocillatos eo somno, & vires recuperatas sentiunt. Eorum exemplum secuti Aethiopes pro mancipiis eò deducti, nimis frequenter eum hauriunt; quo fit, vt eorum domini egregiè eos castigent, & illorum Tabaco exurant, quo illis ansam auferant sæpius illo vtendi.

Vs vs est etiam Tabaci apud Indos, famis sitisq; sedanda gratia hoc modo. Conchyliæ quedam cochlearum fluuiatilium vrunt, deinde atterunt calcis modo; huius & foliorum Tabaci aquas partes sumunt, manduntq; donec ex utrisque massa quedam fiat, quam in pilulas piso maiores confingunt, atque in vmbra siccant, & in vsum reponunt.

Pilulæ famem sitimque sedantes.

Facturi iter per deserta, ubi neque cibum, neque potum inuenturos se putant, eas pilulas secum deferunt, ex iis vnā inter labrum inferius & dentes reponentes, eius liquorem assidue sorbent, ea absumpta, aliam reponunt, atque item aliam, donec peregrinationem absoluant, triduanam interdum, aut quatruiduanam; atque ea ratione toto eotempore neque famem sibi molestam esse, neque sitim asserunt: cuius causam esse puto, quod sorbentes assidue pilulas illas, etiam humores pituitosos e cerebro eliciunt, qui deglutiri & in ventriculum demissi, naturalem eius calorem humectant, sed ab eo tandem absumuntur, aliorum ciborum defectu: vi in multis animalibus obseruare licet, quæ tota hieme in suis latibulis se continent sine alicuius alimenti copia, quia calor naturalis occupatus est in pinguedine absumenda, quam æstatis tempore collegerunt.

HÆC sunt quæ de celeberrima hac planta Tabaco, eiusque facultatibus colligere potui.

Petum.

Nicotiana.
Herba Regina.

Herba sancta.

Perebecenuc.

Petum historia.

Petum genera duo.

BRASILIANIS, à quibus semen primum in Lusitaniam delatum, hæc planta dicitur Petum, Galli, quod D. Ioannes Nicotinus, Regius aliquando in Lusitania Orator, eius semen primum ad Reginam matrem detulerit, illiusque facultates docuerit, Nicotianam & Herbam Regina nominarunt. Alij, Herbam sanctam, ob insignes eius virtutes, nuncuparunt. Ouedus lib. Hist. xj. cap. v. in Hispaniola insula, ubi copiosè tum temporis nascebatur, Perebecenue vocari tradit mihi cum Hyoscyami nigri descriptione plurimum conuenire videtur.

Est verò ea planta trium aut quatuor cubitorum altitudine, interdum amplior, multis alis crassisque ramis concaua, folia numerosa, ampla densa seu carnosæ, pinguis, graui odore, feruido & acri gustu. Flos extremis ramis nascitur copiosus, ex albo purpurascens, oblongus & tubæ in modum concauus extrema parte latus & pentagonus, cuius color frigidus magis intendi solet. Huic succedunt filiquæ Digitali ferè similes, semine plenæ ex rufo nigricante, pusillo, Papaueris multo minore.

Est v s duo sunt genera. Nam vnum amplo latoque est folio, interdum cubitali longitudine, pedali que latitudine sine pediculo, caulem amplectente. Id altius assurgit, & flos ordine per ramulorum longitudinem illi nascitur, dilutior aliquantulum. Alterum paulo minore est folio, Solano, quod Bellam donam vulgò vocant, simili, sed acutiori, longoque pediculo ramis inhaerens: Flores huic veluti per umbellam nascuntur saturatiore aliquanto. Viriusque radix ignota est & multifida.





HERBA IOANNIS INFANTIS. 27

FLORET calidioribus regionibus Iunio & Iulio, semen Septem-
bri maturefcit (vidi in Lusitania tota hieme florentem) at hinc à men-
se Augusto in hiement vsque floret, & subinde semen profert, deinde
primo gelu flaccescit, peritque tota; neque hieme asservari potest, nisi
admodum difficulter, vel in fistilibus aut capsis ligneis.

NASCITUR omni solo, & semel sata, semenque ad maturita- **Natales.**
tem perducens, seipsam deinde ferit, nec opus habet alia satione. Si ta-
men serenda erit, Augusto aut Septembri id fiat, quoniam semen exi-
gum diutissime sub terra latet antequam germinet: & Martio aut
Vere sata, primum Augusto germinat.

APUD nos diligenter colitur, non tam ornatus gratia, quam ob
insignes facultates, præsertim à nobilibus quibusdam matronis rei
herbaria studiosis, quæ foliis eius recentibus, aut in umbra siccatis. &
stillatio illorum liquore vitreis organis extracto, frequenter videntur **Facultates.**
ad ulcera antiqua, putrida, maligna, gangrænas, scabiem, impetigines,
lichenes, oculorum nebulas, felici cum successu, multisque miseris ru-
sticis auxilio sunt.

SUNT qui eius folia singulis diebus mane à ieiunis mandi iubent,
ut podagra liberetur, quoniam multam pituitam in os attrahat, eam-
que in partes interiores defluere prohibeat.

CAROLVS Stephanus in prædio rustico Gallico lib. 2. cap. 76.
experientia comprobatum esse scribit, eius folia strumis utiliter illini,
eiusque stillaticium liquorem asthmaticis auxilio esse. In summa, Pa-
tacea quædam est ad omnis generis morbos.

ALIUD eius genus, per omnia minus, folio rotundiore, nec hir- **Petum ter-**
suto pinguius, licet succulento, flore minore, & per extremum rotun- **tium.**
do, pallefcere ante viginti annos Europæ innotuit, Dodon. Hyoscy-
amum luteum nuncupavit. Ad pleraque conferre etiam existimatur,
verum superiore longè imbecillius.

Herba Ioannis Infantis.

HIC pretermittenda non videtur ea planta qua vfi **Herba Ioan-**
sunt ij qui Hispaniam novam nobis aperuerunt, in curandis **nis Infantis.**
vulneribus. Cuius vsum primus ostendit Indus quidam Hi-
spani famulus, nomine Ioannis Infantis, à quo hæc planta
denominata est.

EXIGUA est planta, foliis Oxalidis, aliquantulum **Eius histo-**
villosis, siue hispida. **ria.**

VIRIDIS premansa aut trita, vulneribusque imposi- **Facultates.**
ta, sanguinem sistit, eaque conglutinat. Nerucum aliarumque
partium vulnera digerit, & mundat, & demum ad cicatri-
tem perducit. Iisdem viribus pollet sicca in pollinem redacta.

Radices venenis aduersantes.

EX Charcis provincia Peruana, radices quædam ad- **Radix vene-**
vehuntur **nis resistens.**

uebuntur Iridis radicibus valde similes, sed minores, & sculnei folij odore.

Contrayer-
na.

HISPANI Indias inhabitantes Contrayerua appellant, quasi dicas alexipharmacum, quoniam earum pulvis ex albo vino sumptus, aduersus omne venenum, cuiuscumque tandem sit generis, presentissimum est remedium, (vno sublimato excepto, quod sola lactis potione extinguitur) vomitione illud reicere faciens, aut per sudores euacuans. Sed & amatoria pocula, eo puluere hausto, reiciuntur. Ventrīs etiam animalia pellit.

Tempera-
mentum.

GUSTATA radix, aromaticum quiddam sapit cum acrimonia coniunctum: quare calida videtur secundo gradu.

Guayacan.

TRIA ex Occidentali India deferuntur hodie toto orbe celebratissima, quorum in Medicina facultates aëdè insignes repertæ sunt, vt numquam auditum sit, tam incurabiles morbos ullis aliis medicamentis sanatos fuisse; nempe, Lignum quod Guayacum vocat, Radix Chine, Sarcaparilla. De China, quæ à Lusitanis ex India Orientali adferri putatur, suo loco dicemus. Auspicabimur itaque à Guayaco, veluti primo medicamēto ex Indiis delato, & omnium optimo, vt ipsa experientia & multorum annorum vsu comprobatum est.

Guayacan.

G V A Y A C A N, à nostris lignum Indicum dictum, abundanter nascitur in Insula S. Dominici, quæ fuit prima noui orbis ab Hispanis occupata: cuius vsus primū hac ratione nobis innotuit.

Lues vene-
rea.

MAGNIS doloribus morbi Gallici (quem ab Inda muliere nactus erat) Hispanus quidam torquebatur, eius famulus Indus, in ea prouincia Medicum agens, aquam Guayaci illi propinauit, qua non solum magnis illis cruciatibus liberauit, sed pristinae sanitati eum restituit: eius exemplo, plurimi alij Hispani simili morbo infecti, curati sunt. Eius morbi

morbi cura Hispali statim euulgata est, ab iis qui ex ea insula redierunt; hinc per totam Hispaniam, & inde per vniuersum orbem, quem hac scabies occuparat. Et certè in hoc morbo curando, nullum est medicamentum eo præstantius aut certius: nam si, vt decet, procedat curatio, & suo tēpore ista aqua propinetur, certissimum est, ei morbo sanitatem perfectam adferri; nec recidiuam eum pati qui tali morbo laborabat, modò in idem cœnum non se prouoluat denuò. Sicq; Deo visum est, vt vnde manauit morbus, inde adferretur remediū: nam ex Occidentali India primū huc perlata est eius morbi origo, præsertim autem ex insula S. Dominici, vbi hic morbus adeò familiaris est, veluti nobis sunt papule seu morbilli, neque eius contagium magnoperè quisquam reformidat. In hūc autem modum propagatū fertur.

ANNO salutis humane 1439. eo bello quod Neapoli gestum est à Rege Catholico aduersus Gallie Regem Carolum cognomine magno Capite, Christophorus Colonius, ex prima illa profectione, quam noui orbis conquirendi causa susceperat, rediit: & inuentis S. Dominici aliisque insulis, inde Neapolim (vbi tunc Rex Catholicus erat pace cum Gallo facta) viros & mulieres deduxit. Commeantibus vltro citroq; exercitibus, Hispani primū cum Indicis mulieribus, & Indi cum Hispanis consuetudinem habuerunt: deinde in Italos & Germanos serpsit hoc malum, postremò etiam ad Gallos, & sic per vniuersum orbem.

INITIO diuersa nomina sortitum est. Hispani existimantes à Gallis contagium venisse, morbum Gallicum nuncuparunt; Galli contra, Neapoli se consecutos esse putantes, Neapolitanum vocarunt; Germani, ex Hispanorum contubernio hanc scabiem ad se manasse videntes, Scabiem Hispanicam appellarunt; alij Serpiginem Indicam, eamq; verissimo nomine, cum inde prima sit huius mali origo. Inter primarios tamen eius ætatis Medicos, variae opiniones fuerunt de

Lues venerea Europam inuadit.

Columbus

1493.

Morbus Gallicus.
Morbus Neapolitanus.
Scabies Hispanica.
Serpigo Indica.

Medicorum
disceptatio
de origine
morbi Gal-
lici

runt de huius morbi causa & origine. Nonnulli ex cibis cor-
ruptis, succumq; melancholicum & adustum generantibus,
quibus in summa rerum inopia exercitus vesci solet, quales
sunt planta siluestres, olera, radices, caro asinina, equina,
originem sumpsisse existimabant. Alij siderum Saturni &
Martis coniunctionibus acceptum ferebant; eamq; ob cau-
sam varia nomina indiderunt: vti Lepra, Lichenum, Men-
tagra, Sphaceli, Elephantiasis: & cum certam morbi qua-
litatem assequi non possent (nouum morbum esse ignoran-
tes) ad praedictorum morborum à veteribus descriptorum ge-
nus aliquod reducere conabantur.

Guayacan.

Lignum In-
dicum.

CÆTERVM vt ad institutum reuertamur, Guaya-
can nomen est Indicum, sed per vniuersum orbem cogni-
tum, tametsi etiam à nonnullis Lignum Indicum nun-
cupetur.

Guayacan
historia.

DE hoc ligno multi multa scripsere, aut Ebenum esse
dicentes, aut Buxi speciem, aut aliis nominibus appellantes.
Sed vt nouum arboris genus est, nec in his regionibus, aut
vllis aliis toto orbe Veteribus descripto conspectum, sed in
nuper inuentis solummodo; sic nobis noua erit arbor: vt vt
sit, magna est, Ilicis magnitudine, ramosa, matrice magna,
nigricante, materie quam Ebenum duriore: cortice crasso,
gummoso seu pingui; & cum siccum est lignum, facile deci-
dente: foliis exiguis & duris, flore luteo, quem subsequitur
fructus rotundus, solidus, semina in se continens Mespili modo.
Frequens in insula sancti Dominici.

Guayacan
genus alte-
rum.

Lignum
sanctum.

ALIUD eius genus in insula S. Ioannis de portu dici-
te, huic vicina, postea repertum est, superiori ferè simile, sed
minus omnino, & propemodum sine matrice, odoratius &
amariius superiore, quo relicto, huius nunc vsus est; & ob
mirandos effectus Lignum sanctum nuncupatur, nec
abs re, quandoquidem (ipsa experientia teste) altero pra-
stantius est: attamen vtriusque facultates sunt insignes in
curanda

curando morbo Gallico, atque adeò vtriusque coniunctim
aut separatim propinatur aqua, cum ad morbum iam dictum,
tum ad alios plerosque hac ratione.

LIGNI minutim concisi, aut eius scobis vncia duode-
cim, corticis eiusdem ligni contusi vncia duæ in tribus aqua
sextariis macerantur fictili nouo aliquantulum capaciore,
viginti quatuor horarum spatio: fictili bene obturato, lento
& luculento igne coquantur, ad duorum aqua sextariorum
consumptionem. quod inde colligi poterit, si dum primum
aqua sextarium infundis, bacillo aqua altitudinem metia-
ris. Cocta aqua refrigeratur, colatur, & fictili nouo asser-
uatur. Statim supra idem lignum, quod decoctum fuit, inji-
ciatur denuo quatuor alij aqua sextarij, coquanturque ad
vnius consumptionem: coletur hac aqua, & seorsum adser-
uetur. Sumitur autem hoc modo.

Guayaci de-
coctum.

INFIRMVS, purgato corpore ex medici consilio, cu-
biculum deligit apricum, quò neque frigus neque aer pene-
trare potest. Lectum ingressus, diluculo, aqua prioris calidæ
vncias decem sumat, & egregie operiatur vt sudare possit
duarum horarum spatio: deinde sudore absterfo, indusium
calefactum induat, atque linteamina mutet: quatuor dein-
de post horis, passæ illi dabuntur & amygdalæ, panisq; bis-
coctus, neque affluenter, neque parcè; & de aqua secunda
bibet quantum satis erit, etiã interdium. Octo horis postquam
comederit, ex priore aqua calente denuo vncias decem hau-
riet, sudabit itẽ duabus horis, & à sudore, vti superius, mun-
dabitur: vna post sudorem hora, de iisdem passis, amygdalis,
& pane biscocto cœnabit, & ex aqua secunda bibet. Ser-
uabitur hic ordo quindecim diebus prioribus, nisi vires ni-
mium collabantur, quia eo casu, etiam præter supradicta,
pullus gallinaceus assus ei concedetur. In minus robustis,
qui extremam illam victus rationem ferre non possunt, no-
uem dies sufficient, quibus elapsis, pullus exiguus assus simi-
liter

Decocti vsus

liter concedetur. Si verò eger adeò tenui est valetudine, ut prædictam istam victus rationem nullo modo ferre possit, ab initio pullus gallinaceus exiguus illi dabitur, cibi quātitatem sensim augendo. Elapsis quindecim diebus, decimo sexto purgabitur decem drachmis pulpæ cassiæ fistulæ per cribrum transmissæ, aut alio simili medicamento, & eo die tenuiorem aquam, siue secundæ decoctionis bibet. Decimo septimo die ad priorem ordinē redibit, sumetq; mane & vespere aquam prioris decoctionis, sudabit, eademq; victus ratione utetur, nisi quod pulli loco, dimidiam gallinam assam edere poterit, & sub finem diætæ, aliquantulum plus, eamq; victus rationem in vigesimum vsque diem producet, quo tempore per cubiculum vestitus, & bene amictus deambulare poterit. Quibus elapsis denuo purgabitur, & per alios quadraginta dies aquam bibet, selectissimam victus rationem obseruando in rebus non naturalibus, mulieribus abstinendo, & vino, cuius loco simplicem eiusdem ligni aquam, aut, si eam fastidiet, aquam in qua anisum & fœniculum decocta sint, bibet, eritque cæna sobria, & sine carnibus.

HÆC est optima sumenda aquæ Guayaci ratio, qua multi desperati morbi curantur: atque ea aqua non est præstantius vllum remedium ad curandam luem veneream, cuiuscumque tandem sit generis: radicitus enim eam extirpat.

Guayaci facultates.

CONVENIT item hydropicis, asthmaticis, epilepticis, morbis vesicæ & renum, doloribus iuncturarum, omnibus morbis ab humoribus frigidis & flatibus procedentibus, & diuturnis, quibus inutilia fuerunt ordinaria medicamenta, præsertim si morbum Gallicum subsequantur.

Guayaci serapium.

PLERIQUE hoc ligno varia medicamenta faciunt, & inter illi serapium, quod sanè admodum efficax est: at meo iudicio huius ligni vsum nemo vtiliorem experietur, quàm superius descripta ratione, sine vllius alterius medicamenti admixtione. Dentes etiam confirmat, & dealbat, si sæpius

si sepius ea colluantur. Calidum & siccum est in secundo gradu.

NON incommode huc referenda videtur arbor, cuius Thevetus lib. Singularium cap. 50. meminit, Brasilianis *Hyuourahé*, id est, res rara *Hyuourahé*. nuncupata.

ARBOR est procera, cortice externa parte argenteo, interna sub-
rubro, & cum recens à ligno detrahitur, lacteum humorem reludante,
gustu salis, sed ad glycyrrhizæ saporem accedente: fructum fert pru-
no mediocris magnitudinis æqualem, auri purissimi colore, nucleum
continentem exiguum, sed suavem admodum & tenellum, ægrisque
valde expetitum. Illud verò propè incredibile, quod ait alternis so-
lummodo quindecim annis fructiferam esse, & cum qui arborem de-
monstrabat, ter aut quater dumtaxat fructum in vita edisse.

MIRA facultate præditus est eius arboris cortex, & Guayaco non
inferior putatur, ideoque à Christianis istic degentibus eius loco vsur-
patur.

Et vs verò vtendi ratio hæc est: Corticis minutim concisi certa
quantitas in aqua decoquitur, trium aut quatuor horarum spatio, do-
nec vini rubri dilutionis seu clareti colorem contrahat. Ex eo decocto
bibunt per quindecim aut viginti continuos dies, observata leui dia-
ta, luisque veneræ doloribus ita liberantur. Verum non modò utile
est hoc decoctum in morbo Gallico, sed etiam in reliquis frigidis, pi-
tuicosisque: nam humores extenuat & exsiccat, nec iniucundum est
palato.

China.

NEMO miretur, si dixerò ex Occidentali India Chi-
nam deferri, quandoquidem vulgo Lusitani ex Orientali
India eam adferant. Nam cum ex Hispania nova & Peru
vir illustris Dominus Franciscus de Mendoza rediit, ma-
gnam quandam radicem & alias paruulas mihi ostende-
bat, & percontabatur an eas nossem: China radices esse, sed
admodum recentes & integras respondebam: tum ille, Sa-
nè recentes sunt, nam ipse eas in Hispania nova collegi, nec
mireris istic Chinam nasci, siquidem breui videbis etiam
inde Aromatum abundantiam deferri. Id facile mihi per-
suasit, postquam vidi cum Rege convenire de Aromatum
copia in Hispanias inducenda, que iam ipse in Hispania no-
ua serere & colere cœpisset. Vidi Gingiberis atque Chinae ra-
dices recentissimas inde delatas.

EST autem China, Arundinis maioris radici similis,
nodosa,

China Oc-
cidentalis.
China hi-
storia.

nodosa, intus alba, interdum rubescens, foris rubra. Optima est recens, ponderosa, solida, pinguis, non cariosa, sapore insipida.

Chinae na-
tales.

N A S C I T U R in China Orientalis Indiae provincia, Scythiae atque Sericaniae finitima, maritimis locis, arundinis aut vluæ palustris modo.

Chinae usus
apud Indos.

S O L I V S radicis est usus apud Indos, ad curandos difficiles morbos, apud quos magno in pretio est. Propinatur eius aqua in diuturnis & acutis morbis febribus praesertim, etenim sudores prouocat, cuius rei gratia multi sanantur. Triginta sunt circiter anni, quod Lusitani primum in has regiones eam intulerint, praecleara de eius facultatibus predicantes aduersus omnis generis morbos, sed maximè Luem veneream, in qua mirabiles effectus praestitit. Eius autem paranda haec est ratio.

Præparandæ
Chinae ratio.

R A D I C I S Chinae minutim concisæ vncia fictili nouo imponitur, huic adfunduntur aquae tres sextarij, maceratur viginti horarum spatio: fictili obturato, coquitur lento igne ex prunis incensis ad dimidias, quod ea ratione deprehendatur quam in Guayaco edocui, frigescit, colatur, atque in fictili nouo asseruatur loco aprico, aut iuxta ignem, ut diutius maneat incorrupta.

Aqua Chi-
nae sumendæ
modus.

P V R G A T O, ut decet, corpore, collocatus ager loco aprico, & conueniente, ieiunus dictæ aquae calidae decem vncias sumet, duas horas aut paulo diutius sudabit: sudore deinde absterfo, indusium & lintheamina, mundis, & calefactis mutabit, deinde in lectulo duas aut tres horas perdurabit, postea vestitus, calidè se in cubiculo continebit, quod neque aer neque frigus permeabit, genio indulgens & lepidis colloquiis se oblectans. Circiter vndecimam, dimidium pullum coctum, aut gallinae quartam partem cum pauco sale edet, initio prandij cyatho iusculi epoto: pro bellariis carnes coroneorū adponentur: potus erit similis aqua, quam
ieiunus

ieiunus sumpsit, quia decocti tantummodo vnum genus est. A sumpto iusculo, vuas arillis emundatas, aut pruna passa sine ossiculis, & panis bene cocti crusta, biscocti umue initio prandij edere poterit. Si interdiu bibere volet, eadem aqua cum conserua aliqua propinetur. Octo post prandium horis lectum denuo ingrediatur, alias decem aquae uncias quam calide poterit bibat, duas horas sudet, sudore deterso, indusium et linthea calefacta mutet, post horam coenet coſeruam aliquam, aut vuas passas, aut amygdala, & aliquantulum biscocti: de eadem aqua bibat, postremo cotoneorum carne vescatur, potu deinde abstineat. Hec victus ratio triginta continuis diebus obseruanda, nulla alia purgatione adhibita, sed per cubiculum calidum obambulans & sese oblectans, ab omnibus abstineat quae illum offendere possunt. Purgatione absoluta, bona victus ratio seruanda est, quadraginta continuis diebus, vinoq; abstinendum & mulieribus: potus erit Chinae superioris, decoctae & exiccatae in umbra, uncia vna, in tribus aquae sextariis denuo bullita ad dimidias.

Ad varij generis morbos utilis est haec aqua, luem veneream cuiuscumque generis, vulnera & vlcera antiqua, tumores scirrhosos discutiens, articulorum dolorem soluens, & qualemcumque podagram, sed coxendices praesertim curas. Inueteratos capitis dolores mitigat, & stomachi: defluxiones omnes & Rheumatismos sistit, bonum colorem conciliat, icterum soluit, & omnem hepatis intemperiem emendat, ad quam valde celebratur. Paralyfin & omnes nervorum morbos sanat, atque vesicae: enterocelis utilis, quia humorem vnde generantur, absorbit: frigidis omnibus morbis & melancholicis conuenit, ventriculum roborat, & omnes flatus discutit. Febris diuturnis, quotidianis & erraticis prodest, sudoris insigni prouocatione, qua etiam in pestilentibus febribus utilem quidam arbitrantur.

SICC A est in secundo gradu cum exiguo calore, idque deprehen-

Chinae sa-
cultates.

Chinae tem-
peramentum.

deprehendere licet ex eo, quod aqua, cum Guayaci, tum çarçe-parilla calefacit, & sitim excitat, hæc neque suum ciet, neque caloris alicuius indicium relinquit. Nobile proculdubio medicamentum, quod in prædictis morbis admodum efficax expertus sum.

DE China Orientali, quæ sanè aliter describitur à García lib. 1. cap. 38. qui plura vult, cōsulat eius Aromatum historiam, quam ante aliquot annos Latunam fecimus.

çarça-parilla.

çarça parilla ex Hispania noua.

POST Chinam, çarça-parilla, cuius vsus huic vrbi primum ab hinc circiter viginti annis innotescere cœpit, ex Hispania noua huc translata est, quoniam ea Indis præstanti medicamento erat, ad multos variósque morbos.

çarçe-parilla historia.

PLANTA multis radicibus nitens, duos cubitos aut eo amplius longis, colore cinereo dilutiore, quæ interdum tam altè demittuntur, vt qui integras eruere vult, ei profunda fossione opus sit: ramis nodosis & lignosis, qui facile desiccantur: florésne aut fructum proferat, ignoramus.

çarça-parilla ex Honduras.

ILLA multo meliorem & efficaciorē nobis deinde protulit prouincia Honduras, à superiore differens, quod illa candidior est, ad pallorem tendens, & gracilior; hæc verò cinerea, nigrior, atque crassior.

çarçe delectus.

DELIGITUR nigrior, recens, non cariosa, fractu contumax, quæq; assulatim frangitur, & ponderosa: nam quæ cariē sensit, & dum frangitur puluerulenta est, inutilis existimatur.

Nominis occasio.

CUM eam Hispani primum viderunt, çarçe-parilla nomen indiderunt, propter cognationem, quam cum nostra çarça-parilla (quæ smilax aspera est) habet. Certè nostratem expertus sum simili facultate præditam, cum ea quæ ex Hispania noua adfertur, ad quam magis accedit quàm ad eam quæ in Honduras inuenitur. Gustu insipido est, & sine acrimonia, nec eius aqua, hordeacea sapidior est.

LONGE alia erat eius vtendæ ratio cum primum in medicinam

medicinam recepta est, quàm nunc est: tum enim Indorum consuetudo obseruabatur, quam in suis morbis curandis v-
surpare solent, ad quos profligandos maxima reperiatur
efficacia. Verùm nostri seculi delicia in causa fuerunt, vt eo-
dem quo Guayaci aqua modo nunc propinetur.

ÇARÇÆ-PARILLÆ selibra minutim concisa aqua çarçæ præ-
parandæ a-
pud Indos
ratio.
macerabatur, deinde in mortario diu tunde-
batur, donec om-
nino in mucaginem quãdam resolveretur, quam deinde co-
labant, & exprimebant. Huius liquoris ita expressi satis ca-
pacem cyathum calidum mane hauriebant, deinde stragulis
se se tegebant, & duarum horarum spatio sudabant. Quod
si interdum sitis eos vrgeret, idem mucor illis potus erat. Sub
noctem, alium eius calentis cyathum hauriebant, atque tan-
tundem temporis, vt mane sudabant. Hic ordo triduo inte-
gro obseruabatur, vt neque aliud ederent aut biberent, præ-
ter eum lentorem calidum expressæ Çarçæ-parille. Ea ratione
preparatam ego initio plerumque propinaui, multosq; me-
lius curavi, quàm nunc sanantur. Subsecuta est alia eius pro-
pinandæ ratio, videlicet.

DVÆ vnciæ çarçeparille, lote, confractæ & minutim çarçæ pa-
randæ altera
ratio.
concisa, in nouum fictile cum tribus aquæ sextariis iniiciun-
tur, & viginti quatuor horarum spatio macerantur: obtura-
to fictili, coquuntur lento igne, è prunis incenso, ad duorum
sextariorum consumptionem, eadem ratione vt in Guayaco
diximus: refrigerantur, colantur, & fictili vitrato recondun-
tur. Eadem deinde çarça illo ipso fictili aqua pleno macera-
tur, aliquantulum seruet, frigida colatur, & fictili vitrato
asseruatur.

PVRGATIVS, vt decet, æger, & calido cubiculo se Vtendæ mo-
dus.
continens, mane decem vncias prioris çarçæ-parille aquæ
hauriet; sudabit duas horas, sudore detergo, indusium & lin-
teamina mutabit, vt in Guayaci potione dictum est. Idem
sub noctem, octo post prandium horis (nam sub vndecimam

prandebit) faciet: post sudorem vnas passas, amygdala, & panem biscoctum cœnabit, & de secunda aqua bibet. Quindecim diebus hunc ordinem obseruabit, nisi imbecille fuerint vires, tunc enim conceditur vsus carniū exigui pulli asi, sensim quantitatem augendo. Lecto se continebit ad minimum nouem diebus prioribus, reliquis in cubiculo sedebit, aut deambulabit, frigus & aërem fugiens. Decimoquinto purgabitur leni aliquo medicamento, atque etiam trigesimo die, omnia ea obseruando quæ in Guayaci decocto sumendo enarrauimus. Sed etiam post trigesimum diem bona victus ratione per quadraginta dies vtetur, vinoque abstinebit & mulierum congressu. Hec est vulgaris aquæ carçæ-parilla sumende ratio, cuius præparande modos secretiores etiā expertus sum, quos hic recensere non pigebit, ne quid eorum prætermittamus, quæ ad carçam-parillam pertinet, quandoquidem medicamentum est, cuius vsus & facultates maximè celebrantur.

I A M annus est quintus decimus, quod Syrupum confeci, non modò in hac vrbe, sed tota Hispania laudatissimum, ad morbum Gallicum, atque alios profligandos: nam neque calfacit neque inflamat, Guayaci videlicet siccitate temperata, & carçæ-parillæ calore mitigato: hoc modo.

carçæ syru-
pus prior.

CARÇÆ-PARILLÆ vnciæ duæ, Guayaci quatuor, vt suprâ dictum est, præparatæ, Zizipha octodecim, pruna passa vigintiquatuor, vtraque ossiculis repurgata, florū Borraginis semuncia, violarum tantundem, hordei mundi aliquot grana, in tribus aquæ sextariis lento igne coquuntur ad duorum sextariorum consumptionem colantur, & decem huius decocti vnciis, vna syrupi violati admiscetur. Calidus mane & vesperi sorbendus datur, eodem seruato ordine qui suprâ dictus est, sudorem etiam (si prouocabitur) detergendo. Conceditur ab initio esus pulli gallinacei exigui, & reliqui cibi suprâ enumerati, & bibitur simplex aqua carçæ-parilla, qua

Vtendi ra-
tio.

rilla, quæ fit ex eius semuncia in quatuor aquæ sextariis co-
cta, ad vnius consumptionem. Ea ratione curatur cum om-
ne genus morbi gallici, tum reliqui, quos aqua Guayaci,
China, aut çarçæ-parilla curari diximus.

çarçæ aqua
simplex.

F I T item alius Syrupus huiusmodi. çarçæ-parilla octo
vnciæ cōfracta & cōcisa, in quatuor aquæ sextariis ad trium
consumptionem coquuntur, in eo qui supererit sextario, sac-
chari libræ quatuor iniiciuntur, fitq; Syrupus, vt moris est.
Eius Syrupi tres vnciæ mane, totidem nocte sumuntur, pran-
dium esto è cibis boni succi, cæna sobria, potus è simplici
çarçæ-parilla aqua. Eo vtatur donec absumptus sit, quo tem-
pore ad sua negotia peragenda egredi non vetabitur. Curat
hic Syrupus plerosque ex morbis supra enumeratis, sine
molestia.

çarçæ syru-
pus alter.

E x ea etiam fit puluis in hunc modum. Neruo illo inte-
riore seu matrice çarçæ-parilla exempto, eam exsiccât, con-
tundunt, & cribrant. Huius pulueris (purgato prius corpo-
re) drachmam mane ieiunus sumit, atque simplicem prædi-
ctam aquam haurit, idem noctu facit dormiturus. Cibus sit
boni succi, potus illa aqua simplex, vino abstineat. Vtilis est
hic puluis in lue venerea, aliisque morbis ab ea oriundis: nec
non scabiem purulentam & saniosam, in manibus et pedibus
mirificè sanat, hac ratione.

çarçæ puluis.

P V R G A T V S æger, etiam (si necessitas vrgeat) non
purgatus, puluerem modo prædicto sumet, & scabiei subli-
mati aquam rosacea simpliciore dilutam, plumula illinet,
deinde emplastrum conueniens panno sericeo extensum, om-
nibus locis quibus illita fuerit sublimati aqua, inducet. Sin-
gulis diebus repetetur, & quindecim dierum spatio perse-
ctissimè curabitur, ita vt aliis medicamentis non opus sit:
abstergit enim, carnem generat, & ad cicatricem perducit.

Pulueris vti-
di ratio.

H O D I E tam frequens est aquæ çarçæ-parilla vsus
modo prædicto, vt in omni morborum genere sumatur, siue

çarçæ aquæ
vsus frequen.

Quibus non
conuenit
huius aquæ
vſus.

in defluxionibus, flatibus, vterique morbis frigidis, ſiue aliis quibuſcumque, modo non ſint acuti, aut iis febris acceſſerit: ideoque non minore copia multis locis aſſeruatur decoctum ſimplex carçæ-parilla, quàm aqua vulgaris. Certum eſt tamen, iis qui calida, hepatis præſertim, intemperie laborant, non conuenire: nimium etenim eos excalfacit: ſed ventriculos frigidos fouet, & flatuſ mirificè diſcutit. Illud autem animaduertendum eſt, haſ tres aquas non niſi Autumno, aut Vere propinandas eſſe. Calida eſt & ſicca in ſecundo ferè gradu.

carçæ-paril-
la ex Guaya-
quil.
Guayaquil
fl.

N V N C ex prouincia Quito cœpit inferri carçæ-parilla, copioſè naſcens vicinis vrbi Guayaquil locis, ad flumen eiſdem nominis maximum, quod ex montibus Peruianis originem ſumens, ab Oriente in Occidentem vergit, & in Oceanum (quem del Sur vocant) circa Portum veterem labitur: Guancauilcas, vocantur eiſ regionis incolæ, & edentuli ſunt, quoniam pro more habent vt ſibi dentes eximant, quos ſuis idolis offerant, dicentes optima quæque eiſ offerri debere, hominem autē nihil præſtantius, nihil magis neceſſarium dentibus habere.

Guayaquil
fl. aqua ſalu-
bris.

E I V S fluminis aqua admodum ſalubris, & multos morbos curare dicitur, eamq; ob cauſam, pluſquam ſexcentis miliaribus ad eam concurritur ab Indis & ab Hiſpanis, qui multoties ea aqua ſe abluendo, & magnam eiſ quãtita-tem ſæpius hauriendo mane, plurimum vrinae excernunt, & valde ſudant, & conſequenter morbis liberantur, eodem ferè modo eiſ aqua vtentes, ſicuti in balneis Lucēſibus, Puteolanis, & fonte illo celebri apud Leodios fieri ſolet.

carçæ Gua-
yaquilana
hiſtoria.

S V N T qui putent ab huius fluminis aqua carçam-parilla facultates ſuas mutuari. Ea eſt colore ex cinereo nigricante, maioribusq; & craſſioribus radicibus conſtat, quàm ea quæ ex Honduras adfertur, atque interdum tam longis, vt altitudine humana fodiendum ſit, antequam erui poſſint.

D V P L E X

DVPLEX verò eius exhibenda ratio apud eos obser-
uatur. Carçà-parilla radices, quot opus erit, sumētes, neruo
illo interiore repurgant, corticem eum, si sicca sint radices,
macerant, donec mollescat (virides maceratione non egent)
deinde minutim concidunt, & addita aqua contundunt, vt
succus extrahi possit viscidus & mucosus, cuius mane eam
quantitatem sumunt, quam vno haustu aut pluribus bibere
possunt; lectum deinde ingressi, plurimum sudant; postea
mutatis linteis, pullum edunt, & corticis illius succum hau-
riunt, in prandio, in cœna (quæ levis erit) atque interdium
deligendus est tamen locus ab aëre & frigore liber. Hac ra-
tione, & vsu conseruarum, necessariorumque aliquot fru-
ctuum siccatorum permissio, octo aut nouem dierum spatio,
omnibus morbis liberantur, quos çarçaparilla curare solet:
validum autem & robustis viribus eum esse oportet, qui hac
curatione vtetur.

çarçà exhi-
bendæ prior
ratio.

ALTERA iis conueniet qui imbecilliores sunt, nec su-
periores, sine manifesto vite discrimine, ferre possent. çar-
çaparilla neruo suo liberata, & vt superius, macerata, si sic-
ca sit, deinde contusa, quatuor vncia, pluresue aut pauciores
(nam hic nullus ponderis aut mensuræ vsus) in quatuor a-
que sextariis ad dimidias decoquuntur, ex ea aqua quan-
tum possunt semel aut pluries bibunt; in lectulo deinde se
componunt, ad sudorem prouocandum, qui tametsi adeo ve-
hemens non sit, vt superior, copiosus tamen est: mutata ve-
ste, pullum edunt, & eadem aqua (nam vno die coctura ab-
sumitur) cum in prandio, tum in cœna illis potus est: ab aëre
& frigore sibi cauent: repetitum per quindecim aut viginti
dies hoc medicamentum, omnes morbos sanat, non sine ma-
gna omnium admiratione, præter febrem, aut morbos acu-
tos, in quibus çarçà decoctum exhiberi non solet. Istic ne-
que initio diætæ, neque in media, neque sub finem sese pur-
gant, vti nos facimus (nam & medici & medicamēta com-

çarçà exhi-
bendæ ratio
altera.

In quibus
morbis çar-
ça non ex-
hibenda.

posita illis desunt) sed muliercularū duntaxat opera vtuntur, quæ illis huius decoctum pro arbitrio exhibent.

ILLUD verò observatione dignum est in hac curatione, quòd solus radicis cortex neruo exempto in usu est. Ideoque nunc eorum exemplum secutus, solo cortice in hunc modum vii soleo.

çarça præ-
paranda ra-
tio optima.

QUATUOR corticis çarçe-parillæ lotæ uncias, in quatuor aquæ sextariis vigintiquatuor horarum spatio macero, deinde ad dimidias decoquo: quòd si calorem in agro metuo, hordei mundati dimidiam unciam inter decoquendum adicio, & in magno calore, vulgaris aqua loco, cichorei stillaticium liquorem cum hordeo substituo. Hac aqua temperatissima est, & admirandos eius effectus in multis expertus sum.

OBSERVANDUM item est, vt quanta possit quantitate ager hanc aquam, vti retulimus, bibat, siue vno haustu, siue pluribus, quia magnam quantitatem bibendo plus sudabit, & citius certiusq; sanabitur. Itaque hanc nouam sumendam çarçe-parillæ rationem maximè vtilem fore puto, faciliusque & breuiore tempore curandos agros.

Et vs quæ ad flumini Guaiacul & in Puna insula nascitur çarçe-parillæ mentionem facit Petrus Cieça parte prima Chronici Peruan, cap. 14. alterique nascenti plerisque Indiæ regionibus præfert: meminit item cap. superiore de illa ratione dentes in sacrificiis offerendi.

Catapotia
ex çarça.

ALIAM addit Fragosus eius præparanda rationem, quæ est: Çarçe-parillæ libra vna bis lota, bene contusa, & minutim concisa, in octo aquæ sextariis toto triduo maceratur, deinde lento igne coquitur vsque ad integram ferè consumptionem, hoc est, vt acetabulum seu scutella eius decocti solum remaneat: çarça statim exempta prælo imponitur, succusque exprimitur ad uncias quatuor aut eo amplius, etiam si ex eo qui superfuit decocto quantitas augeri debeat. Lento igni imponitur, vbi feruere cœperit, pulueris aloës optimæ uncia duæ, myrtæ selectæ, nucis ponticæ magnitudine, croci momentum (sunt qui Ligni aloës pusillum addant capitis roborandi causa) iniiciuntur & continuè agitantur, donec amyli crassitiem contrahant: ex ea massa catapotia formantur. Ex his duo singulis decem prioribus diebus deuoranda dantur, & singula reliquis viginti, sub horam vndecimam noctu. Si verò inueteratus sit morbus, & ager validus, tria singulis decem prio-

cem prioribus diebus, bina subsequentibus decem, singula reliquis sumi poterunt. Dimidia gallina elixa in aqua (cui salis & croci momentum, & aliquot ciceris grana injecta sint) meridie datur edenda, reliqua pars in cœna. Potus erit aqua carçæ simplex. Surgant hora decima, cubitum eant ante solis occasum. Istis catapotis gravissimos dolores, & brachiorum crurumque paralyses curati experientia se consecutum scribit.

Sassafras.

LIGNI quoddam genus ex Florida novi orbis provincia, quæ 25. graduum altitudine polum habet, nunc recens in Hispaniam inuehitur, cuius ante paucos annos notitiam Gallus quidam mihi dedit, eius facultates mirum in modum prædicans, aduersus varios morbos, ut ipse & alij Galli experti erant, ab eius regionis incolis edocti.

PROFLIGATIS ex ea regione Gallis, nostri Hispani in similes morbos incidere cœperunt, ob prauis succi alimenta, aquarum crudarum potationem, & sub dio dormitiones: at à quibusdam qui remanserant Gallis, de huius Ligni facultatibus moniti, eo vsi sunt, & sanitati restituti.

DICITUR hæc Arbor Indis Pauame, Gallis (quos imitati sunt Hispani) nescio quam ob causam, Sassafras.

ARBOR est magna, Pini mediocris magnitudine & forma (tamen si minores inueniatur) vnico trunco nudo, ramis in cacumine expansis, ut Pinus repurgata, cortice, quem integit tenuis cinerea quadam pellis, ex cinereo nigricante, gustu aliquatulum acris, sed aromatico, nonnihil ad sceniculi saporem tendente, odorato, ita ut pauca eius quantitas cubiculum suo odore impleat: materie trunci & ramorum alba ad cinereum colorem tendente, non ad eum aromatici saporis, & odoris, uti cortex: folio ficulneo in tres angulos desinente, nouello verò folio pyri folium æmulante, sed quod vestigia angulorum habeat, semper virente, hoc est, foliis nouellis semper eis quæ decidunt succedentibus, colore viridi obscuriore, odorato, præsertim si succum sit: an florem fructumue ferat, incertum: radicibus nunc crassis, nunc tenuibus, pro arborum

Pauame.

Sassafras.

Pauame seu
Sassafras historia.

arborum magnitudine, leuibus, sed non adeò vti lignum, per summos terræ cespites expansis, vt facile euelli possint; quod ferè commune est omnibus arboribus Indicis (imò referunt Hispanicarum arbores eò delatas, steriles fieri, nisi in superficie terræ plantentur) cortex radici firmitus inheret cinereus, ipsiusque arboris cortice magis aromaticus, ideòque radicis decoctum odoratius & præstantius est, & ab Hispanis istuc usurpatur.

Natales.

NASCITUR in maritimis, & locis temperatis, hoc est, neque nimium siccis, neque nimium humidis, vt in portibus S. Helenæ, & S. Matthæi: nam alibi per vniuersam Floridã haud facile inuenias: istic verò sunt integra silua, quæ ob suauissimum quem spirant odorem, ab Hispanis primum eò venientibus, arborum Canellæ esse existimabantur, nec immeritò; nam adeò odoratus est & acris huius arboris, atque Canellæ cortex, & eosdem effectus præbet eius decoctum, quos Canellæ.

Delectus.

OMNIUM optima est radix, deinde rami, tertio truncus, sed cortex omnibus præfertur.

Temperamentum.

ARBORIS & ramorum temperamentum calidum & siccum est in secundo gradu, cortex aliquanto calidior, ad initium tertij gradus in calore & siccitate accedens: quibusdam calidus in fine primi, siccus in tertio gradu.

LICET Corticis & Ligni vsus dumtaxat in medicina receptus sit, Indi tamen recentia folia trita, vulneribus imponunt, & sicca in alios medicos vsus seruant.

Facultates.

EIVS decoctum commendatur in omni morborum genere, præsertim verò in obstructionibus, & partibus internis roborandis: ad tertianas & febres antiquas. Commodè ex saccharo propinatur defluxione laborantibus, asthmate, pectoris vitis ex frigidityte prouenientibus, & consequenter doloribus nephriticis & renum, è quibus calculum euicit, & flatus discutit, quam etiam ob causam vterum ad cõceptionem præ-

nem preparat, & menses prouocat. Vomitus cohibet, concoctionem inuat, aluūque subducit.

ILLIUS fragmentum assidue gestare & odorari maxime prodest, aduersus pestis contagia, praesertim non neglectis aliis remediis. Denique ob ingentem siccitatem & moderatum calorem, est remedium excellens ad omnis generis defluxiones, quoniam eas absorbit: sed iis qui extenuati sunt & imbecilles, non conuenit.

DECOCTI vero seu aquae preparande haec est ratio. Decocti parandi ratio. Radicis cum suo cortice assulatim confractae vncia dimidia, in tribus aquae sextariis, fictili nouo duodecim horis maceatur: lento igne ad duorum sextariorum consumptionem decoquitur: colatur, & in fictili vitrato adseruatur. Postmodum supra eadem fragmenta, tantundem aquae superinfunditur, decoquitur ad dimidij sextarij consumptionem. Ea est secunda aqua, quae ordinarij potus loco erit.

ILLUD vero obseruandum est, plus aut minus ligni in decoctionem iniici, viribus & temperamento aegrorum consideratis: etenim minore quantitate, & minus cocta propinatur haec aqua, biliosis, quam pituitosis. Sed vulgariter quarta sextarij pars aquae tepidae sumitur mane, deinde sudatur, & vestis mutatur; nec quisquam eorum qui hoc medicamentum sumpserit, lecto se continere cogitur. Prandium sit media gallina assa, cum aliquot vuis passis, & amygdalis, & auellanis tostis: coena sit e conseruis conuenientibus morbo qui curatur, potus secunda aqua. Singulari experimento didici hoc decoctum, vt dixi, propinatum, utilissimum iis fuisse, qui pedes & manus ex podagra sic contortos habebant, vt iis uti non possent. Ad luem item veneream non minus vtile quam aqua Guayaci aut Chima. Ligni fragmentum premansum eo dente qui dolet, & istuc retentum, dolorem sedat.

PORRO qui tam exquisita victus ratione uti nollent, Aquae parandae ratio alia. aquam

aquam simplicem hac ratione decoquant. Ligni assulati
confracti semuncia, plusve aut minus, pro conditionibus iam
enumeratis, in tribus aquæ sextariis ad dimidias coquitur,
ea aqua diu vtendum cum in prandio, tum in cæna & in-
terdiu. Qui vino abstinere non norunt, ea aqua diluere pote-
runt, etenim saporis & odoris gratiam vino conciliabit.

Donati sumus his diebus fragmento huius ligni à Francisco Zen-
nig Pharmacopola Bruxellensi diligentissimo, mihiq; amicissimo,
quod odore & sapore fœniculum quidem referebat, sed tamen gusta-
tum, plantæ illius sporem magis reddere videbatur, quæ vulgo Dra-
co, nonnullis Tharco dicitur, acetariis familiaris, & cortex eius multo
magis. Lignum cum suo cortice adeo Tamarici simile est, ut nisi odor
& sapor obstarent, pro eo accipi possit: cortex interiore parte qua li-
gno adhæret nigricante, & læui, exteriori rugosa, & ex cinereo rube-
scente.

Molle.

CÆTERVM odor fœniculi mihi in memoriam reuocat arbo-
rem in Peru nascentem, Molle vocant, cuius ego pusillas duas plan-
tas, è semine natas, vidi ante aliquot annos Machliniæ in hono splen-
didissimo Illustris Viri Dn. Ioannis de Brancion, sed quæ tertio anno
perierunt hiemis iniuria.

**Molle hi-
storia.**

ERANT autem ex arbusculæ trunco (quia tenellæ) ex viridi ni-
gricante, multis consperso veluti maculis cinereis, folia pennata vt fra-
xini, sed multo minora, ex viridi nigricantia, serrata & sub extremum
angustiora, quæ ab arbusculis reuulsa lacteo succo, eoq; lento & vi-
scido, & odorato manabant, & ipsa folia trita fœniculi odorem red-
debant, gustata adstringentis facultatis nonnihil habere videbantur.
Fructus ex quo natæ sunt, piperis ferè magnitudine, oleaginosus, pel-
licula rubescente tectus, racematim cohærens, vt ex eius icone, quam
ad viuum depingi tum temporis curauimus, conspiciere licet: florem
quem habeat ignoramus, sed quibusdam auctoribus minutus est, viti
similis.

Natales.

HÆC arbor abundanter nascitur in conuallibus & locis planis
Peruanæ regionis, vt referunt omnes qui Occidentalium Indiarum
descriptionem dederunt: sed Petrus Cieça maximè, qui eius descripti-
onem hoc modo cap. 112. primæ partis Chronici dat.

**Molle histo-
ria alia:**

TOTO hoc tractu conspiciuntur magnæ quædam, & etiam par-
uæ arbores, quas Molles appellant incolæ: folia habent minuta, odore
fœniculi, cortice adeo commendato, vt eius decocto erurum dolores
& inflationes summa cum vtilitate foveantur: ex ramulis sunt den-
tiscalpia vtilissima. Ex huius fructu cum aqua decocto, pro cocturæ

Molle vinu.

modo, sit aut vinum, siue potio admodum bona, aut acetum, aut
mel: tantoque in pretio apud Indos sunt hæ arbores, vt quibusdam
locis eas consecratis suis Idolis habeant. Addunt nonnulli eius arbo-
ris foliorum decoctum, doloribus ex frigida causa ortis auxilio esse,
gummi verò eius, quod Mannæ modo candidum est, lacte dissolu-
tum, caliginem oculorum abstergere.

Facultates.

Lignum



Lignum aromaticum.

Lignum a-
romaticum.

BERNARDINVS de Burgos Pharmacopola, vnâ cum Sulphure infrâ describendo mihi ostendit Ligni cuiusdam fragmentum, Ligno sancto ferè simile, cuius corticis odor & sapor adeò aromaticus & excellens est, vt macis, aut nucem myristicam longè superet, imò Canellam odoris suauitate, piper acrimonia.

MAGNA huius ligni quantitas in monte quodam caesa fuerat, & in nauē seu Liburnicam delata, ignis struendi causa. Vnde perspicere licet, quàm multe arbores, & alia planta in nostris Indiis inueniuntur insigni facultate praedita, quâdoquidem ignis struendi gratia odoratis & aromaticis arboribus vtuntur, quarum cortice in puluerem redacto, cor & ventriculus roborari, reliquaq; membra foueri possent, & Aromatum ex Malaccis insulis, Arabiâque, & Perside vsque petitorum, vices supplere. Sed nos accusandi sumus, qui eas diligentius non inquirimus & inuestigamus, quandoquidem sponte montibus locisq; incultis nascuntur.

Lignum ad renum affectiones &
vrinæ incommoda.Lignum ne-
phriticum.

NOBIS etiam mittit noua Hispania Ligni quoddam genus crassum & enode, materie Pyri, cuius vsus iam diu receptus fuit in his regionibus, ad renum vitia, & vrinæ difficultates & incommoda. Postea expertum est, eius aquam in Iecoris & Lienis obstructionibus vtilem esse. Fit autem hac ratione,

Aqua ligni
nephritici.

LIGNVM assulatim & minutim concisum in optima & limpidissima aqua fontana maceratur, atque in ea relinquitur, donec aqua à bibentibus absumpta sit. Dimidia hora post iniectum lignum, aqua ceruleum dilutiorem colorem contrahit, qui sensim intenditur pro temporis diuturnitate, tametsi lignum candidum sit: ceruleum ideo dico, quoniam

quoniam adulteratur alio ligno simili, quod aquam croceo colore inficit, ne quis fallatur.

HAC aqua assidue vtuntur, ea vinum diluunt, & mirabiles experiuntur effectus, sine vlla humorum commotione, neque enim opus est alia victus ratione quam temperata: siquidem aquae sapor non magis immutatur ligni iniectione, quam si pura esset, & nihil in ea maceratum. Calidum & siccum est in primo gradu.

Lapis Nephriticus:

LAPIS hic in Nephritide maximè laudatus ex noua Hispania etiam defertur. Praesio lapidi similis, qui ad viridem colorem lacteo permixtum tendit, praefertur viridior.

Nephriticus lapis.
Praesius lapis.

EVM gestant variis formis effigiatum, vt antiquitus solebant Indi, alios piscium forma, alios auium capitibus, alios psittaci rostris similes, nonnullos rotundos sphaerularum modo, atque omnes perforatos, quoniam Indi eos appensos gestare solebant, aduersus Nephritidis, aut stomachi dolores, in quibus morbis valde commendatur. Sed eius praecipua laus est ad Nephriticos dolores & ad calculum expellendum, & arenulas.

Nephritici lapidis varia forma.

Facultates.

NOBILIS mihi notus, vnum habet, cui nullum alium comparandum vidi; nam eum brachio gestans, tanta arenularum quantitate liberatur, vt, metuens ne ei noceat tanta eiectione, interdum eum deponat, nullumq; amplius calculum eicit. Sed cum dolor eum premit, denuo eum gestat, & statim leuatur aut minuitur dolor multarum arenularum, atque etiam calculorum expulsionem. Ea etiam occulta facultate praeditus est, vt ab eiusmodi dolore praeseruet gestatus, renum calorem mitigando.

DVCISSA Bejar ter breui temporis intervallo Nephriticis doloribus afflicta, armillam ex eo lapide sibi confecit, quam perpetuo gestat, ex eo tempore (quod decennium superat) eo dolore numquam vexata est.

d

ALII

ALII multi senserunt idem leuamen, eamque ob causam magno in pretio sunt huiusmodi lapides, nec, uti initio, tam facile adquiri possunt, quod soli earum prouinciarum Reguli & Domini eos possideant, nec immerito, cum tam admiranda sint illorum facultates.

Lapis Tiburonum.

Tiburon piscis.

IN mari Indico ferreis hamis capiuntur pisces Tiburones dicti, maximi, validissimi, pugnacissimi, & truci aspectu, qui cum lupis marinis assidue praeliantur.

Lapis Tiburonum.

IN eorum capite terni aut quaterni lapides, interdum plures inueniuntur, valde albi, magni, ponderosiq; (ut interdum duas libras pendant) & qui facile abradi possunt.

Facultates.

HUIUS lapidis puluis utilissimus fertur Nephriticis, & aduersus vrinae difficultates, & renum vesicaeq; calculos, ut in Indis, Hispanisq; experientia comprobauit. eum gustatum insipido esse gustu deprehendi, facultates nondum expertus sum.

TIBVRONVM meminerunt, quotquot Occidentalis Indiae historiam descripserunt: sed inter eos Gomara in historia Mexicana, miranda & vix credibilia de Tiburone refert, & illi duplicem datum ordinem tribuit.

DESCRIBIT idem in Historia generali Indiarum cap. 31. (quem secutus est Theuetus lib. Singularium cap. 71.) piscem quendam Manati nomine, cuius descriptionem, quod pleraque cum Tiburonis historia communia habeat (ne dicam eundem piscem videri) hic subiunximus.

Manati piscis.

MANATI piscis est nostro orbi incognitus veri similis, duos tantum pedes rotundos quibus natat, ad humeros habens, & in singulis quatuor ungues elephantinis similes, ab umbilico ad caudam usque gracilescit: terribilis est apectu, capite bubalino, sed macilentiore ore, mento vero crassiore, oculis admodum exiguis pro corporis mole, quae interdum viginti pedum longitudine est, decem crassitie: corio denso, pilis quibusdam cinerei coloris obfuso. Feminae pariunt vaccarum modo, duoque vbera habent, quibus catulos suos lactant. Eius caro quadrupedis potius quam piscis videtur, etenim recens vitulinam sapit, facile macerata Thynni carnem, sed lapidior est, diutiusque seruari potest. Eius pinguedo optima, nec facile rancescit: ea corium ipsius preparant ad calceos sibi faciendos. Inueniuntur in eius capite lapides quidam ad calculum & nephritidem utiles.

HIC piscis occiditur interea dum herbas in litore depascitur, sed etiam Retibus capiuntur iuniores. Ea ratione paruum teritur cepisse Regium

Regulus Caramatexi, quem 26. annis in lacu quodam dicto Guayna-
bo educauit, adeoque domitum euasisse, & ferociam deposuisse, vt de
manu cibum caperet, & inelamato nomine Mato, quod Magnificum
sonat, lacum suum egressum fuisse, & in ædes perreptasse cibi sumen-
di gratia, deinde ad lacum remeasse, interdumque homines & pueros
ex vna parte lacus in aliam transuexisse, nec illos meruisse, ita vt Indis
summam voluptatem adferret.

Lapis Caymanum.

Ex Nomine Dei, Carthagine, aliisque continentis oris,
lapides interdum adferuntur calculis fluuiatilibus similes,
qui in ventriculis pręgrandium Lacertorum (Caymanes Lacerti Cay-
manes.
appellant) inueniuntur: ferocissimi sunt, ingenti ore, vt inte-
grum hominem deglutire possint, multiplicidentium ordi-
ne, aded magni, vt triginta duorum pedum longitudine in-
ueniantur. Viuunt ij magna ex parte in fluminum ripis, non-
numquam in mari, ad fluuiorum ostia: pariunt oua in ter-
ra, & suos catulos istuc excludunt, testudinum more: ca-
piuntur hamis ferreis, quia earum cutis prædura, omnes
ictus, etiam minorum tormentorum æneorum, respuit.

Hos lapides colligunt Indi & Hispani, atque aded sibi Lapidis Cay-
manum fa-
cultates.
seruant, ad quartanam tollendam vtile remedium: siqui-
dem bini ex eis temporibus vtrunque alligati, in quartana-
rum paroxysmo, illas tollere, aut earum calorem manifestò
infringere traduntur. Bis eum lapidem temporibus cuius-
dam puellę quę quartana laborat, adhibui, & certè febris
calorem nonnihil remisisse animaduerti, an verò febrem
omnino tollet, ignoro.

GOMARA, Petrus Cieça, Augustinus Carate, qui integram India-
rum historiam, aut ex parte scripserunt, huius generis Lacertorum
seu Crocodilorum meminerunt; inter quos Petrus Cieça sub finem
capitis 2. eorum oua, atque etiam carnes urgente fame cum aliis se
edisse asserit circa Pauamam, cum eam regionem primum occupas-
sent. Gomara cap. 197. ibidem occisum, qui 100. pedes longitudine æ-
quaret, in cuius ventriculo multi calculi reperti sint.

Ingens La-
certi ma-
gnitudo.

Lapis Sanguinalis.

LAPIS Sanguinalis ex noua Hispania delatus, Iaspidis Lapis san-
guinalis.
genus est, varij coloris, sed obscurioris, maculis, seu punctis
distinctus sanguineis.

Eius facultates.

Ex his lapidibus Indi quasdam cordium formas, magnas ac parvas conficiunt.

VALET ad fluxum sanguinis narium, mensium, hemorrhoidum, vulnerum, ac oris. Lapidem aqua frigida intinctum aeger dextra comprimit, & subinde id facit. Sic eo Indi & nostri vtuntur.

PERSVASVM habent Indi, imò firmissimè credunt, si hoc lapide pars sanguine manans contingatur, sanguinem sisti, idque verum esse experientia probatum est. Vtilis est etiam suspensus aut alligatus eidem parti vnde sanguis effluit, modò carnem contingat. Vidimus nonnullos hemorrhoidum fluxu afflictos, remedium sensisse, annulos ex hoc lapide confectos in digito continuè gestando: nec non & menstruum fluxum sisti.

Lapis rimas pedum curans.

ALIUD lapidis genus est, quod rimas in manuum & pedum iuncturis à pituita salsa prouenientes, curat: verum id dumtaxat auditu percepi.

Armadillo.

Armadillo.

NUNC ex continenti habemus ossiculum caudæ peregrini animalis, quod veluti testis quibusdam totus integritur pedum tenus, cuius gratia Armadillo vocant Hispani, quasi cataphractum aut armatum dicas, Lusitani Encubertado.

Encubertado.
Descriptio.

EST porcelli magnitudine, cui rostrum simile habet, cauda oblonga, & crassa, Lacerti modo. Sub terra viuit, vt Talpa, & terra sese sustentare creditur, quod foris nihil edere conspiciatur.

Facultates.

OMNIS facultas consistit in caudæ ossiculo, cuius in tenuissimum puluerem redacti pilula, confecta magnitudine capitis aciculæ, atque auri indita, dolorem eius sedare, & tinnitum etiam, cum exigua surditate coniunctum, curare traditur. Certè dolorem sedari multa experientia comprobatum est.

HVIYS



Tattou.

H *v* *r* *s* animalis meminit Theuetus lib. Singularium, cap. 54. aitque incolis Tattou vocari, quorum nonnulli porcellos magnitudine æquant, alij minores sunt, & eorum caro tenella est, bonique succi, Et Bellonius lib. Singularium 3. cap. 15.

Aiotochli.

M *e* *m* *i* *n* *i* *t* item Franciscus Gomara in Mexicana historia in hunc modum: Circa Lacunam quæ ex flumine Papaloapan oritur Imperio Mexicano, animal inuenitur fele non maius, rostro porcelli, pedibus histricis aut erinacei terrestres, cauda oblonga, natura munium duro cortice, & testa squamata veluti loricatedum, intra quam se retrahit testudinis terrestri modo. Similis est hæc testura panoplie equorum: sed & cauda, ipsumque caput huiusmodi testis squamatis tecta sunt, auriculis foris eminentibus, eamque ob causam Hispani armatum, aut cataphractum appellant, Indi Aiotochli, id est, Cuculum cucurbitæ.

E *r* *v* *s* etiam descriptionem apud Gesnerum videre licet in Appendice ad Quadrupedum historiam.

Sanguis Draconis.

A *t* *t* *v* *l* *i* *t* ante paucos dies, ex noui orbis continenti, Episcopus Carthaginensis fructum arboris ex qua manat lachryma illa quam Sanguinem Draconis vocant.

Draconis arboris fructus.

E *s* *t* autem hic fructus admirandus: nam sublata qua integitur pelle, ilico dracunculus apparet, tanto artificio à natura fabricatus, vt à peritissimo aliquo artifice è marmore sculptus videatur, collo oblongo, ore hiantem, spina aculeis horrida, cauda oblonga, & pedibus conspicuis.

Sanguis Draconis cur sic dictus.

A *b* eo fructu denominationem proculdubio sumpsit arbor, & eius lacryma, quæ ex illa per incisionem legitur, quam ex Carthagine Peruana selectissimam aduehunt: vnde veterum & multorum recentiorum inscitia deprehenditur, qui, quid esset sanguis Draconis, aut cur sic appellaretur, omnino ignorarunt.

Draconis historia.

M *a* *g* *n* *a* est arbor, cortice satis tenui, & qui facile incidi potest: ea vulnerata, liquor ille effluit, quæ Sanguinem Draconis in lachryma, dicunt, ab eo differens, quem Sanguinem in pane vocant, quod in panes seu massas istic cogatur, quemadmodum resina in Castella.

Facultates.

V *t* *e* *r* *q* *u* *e* liquor intro assumptus, alui profluvium sistit, sic

sistit, sic etiam ventri illitus, aut clysteribus inditus. Sanguinem vndequaue manantem reprimit. Capitis defluxiones, ne in partes inferiores delabantur, prohibet eius puluis capitis vertici inspersus: vulnera recentia glutinat, gingivas à putrefactione liberat, & dentes stabilit. Est item color Pictoribus maximè expetitus.

TEMPERATVS est, & pauci caloris particeps.

MEMINI ante paucos annos nobis à Francisco de Hollebecque Regis Hispaniarum Hortulano diligentissimo, missos fuisse quosdam fructus Dragonalis nomine, ex quibus terræ commissis, nonnulli prodierunt Bruxellæ apud C. V. Dn. Ioannem de Boisot virum doctissimum & rei herbariæ peritissimum. Erant ferè foliis Iridis, oblongis, viridibus, per oras rubris (qualia in grandi arbore ante nouem annos Olysiþone conspexi) sed subsequens hiems abstulit: Fructus is erat Cerasij magnitudine aut Oxymirsinis, rotundus, tenui pelle contextus, qua sublata, osseus nucleus conspiciebatur, qualis est in fructu Rusci: sed is nullam animalis, nedum draconculi tanto artificio fabrefacti figuram referebat. verum rotundus erat & læuis, & vt dixi, totus osseus. Arboris, quæ Olysiþone obseruauit, & in cuius cortice gumi sanguinei coloris concretum inueni, iconem, in Stirpium à me per Hispanias obseruatarum descriptione exhibeo.

Dragonat.

Gummi ad podagram.

DABAT mihi idem Episcopus, Gummi genus (cuius arborem non poterat describere) ex eodem continente delatum, quo se podagræci istic purgant, in hunc modum.

Gummi ad podagram.

ILLIVS gummi fragmentum nucis ponticæ magnitudine, stillaticio aquæ liquore noctem integram macerant, postridie mane percolant, & exprimunt, eam aquam ad duas vncias sumunt, neque quidquam cibi superingerunt ante meridiem: eo medicamento purgatur humor, qui podagram creat sine molestia.

dx3

Facultates.

INSIPIDVM est & inodorum. Calidum videtur in primo gradu.

Fructus dysentericus.

HISPANVS quidam adolescens mihi ignotus, attulit ex Quito fructum, qui, vt ex eius fragmentis (quæ altera

Fructus ex Quito.

d 4

parte

parte laeua erant, & luteo colore; altera verò, aspera & admodum rubra, seu ex rubro nigricantia) conicere licebat, magna quadam arbore natus videbatur. Dum ille mecum de variis rebus ageret, venit ad me vicinus, medicamentum curaturus filia, quam dysenteria miserè affligi dicebat. Ilico adolescens, eam, inquit, curabo: ad vicinum proficiscitur, fragmentorum illorum tenuissimè tritorum puluerem ex stillaticio calicū rosarum liquore, eo die puella hauriendum dedit vespere, tantundem postridie mane, statimq; sisti coepit fluxus, ita vt breui puella sanitati restituta sit. Eum adolescentem, tametsi diligenter requisierim, numquam postea videre mihi contigit: itaque neque quis esset hic fructus, aut qua arbore nasceretur, scire potui.

Cortex ad alui profluvia.

Cortex alui
profluvia fi-
stens.

PROPERT nouus orbis prægrandem arborem, foliis cordis effigie, nullo fructu. Eius cortex digiti crassitudine aut amplior, solidus, durus, & ponderosus, tenui candicante pellicula integitur: similis est admodum cortici Guayacan, vti Gentiana amarus, adstrictionis & grati seu aromatici cuiusdam odoris particeps.

Exhibendi
ratio.

MAGNA est apud Indos aestimatione, vt qui eo vtantur aduersus omnis generis alui profluvia, eius puluerem drachmæ pondere, aut paulo amplius mane propinantes ex aqua conueniente, aut crasso vino rubro. Ter aut quater id remedium repetitur, obseruaturq; in reliquis victus ratio, quæ huiusmodi morbo necessaria est.

EIVS corticis fragmento donatus sum ante paucos dies, cuius periculum iam bis feci in alui profluvii inueteratis magno successu.

EX VARIIS nostrarum Indiarum provinciis, multa purgantia medicamenta deferuntur, quorum magnæ sunt facultates: de quibus hic mentionem faciam, ut sint veluti Præfatio quedam in Historiam radicis Mechoacan.

Cassia solutiva.

INSULÆ Diuorum Dominici & Ioannis de Portu Cassia solutiva. diuite, tanta quantitate nobis transmittunt Cassiam solutiuam, ut non modo Hispaniæ, sed etiam toti Europæ, atque adeo vniuerso orbi sufficiat: nam & in Orientem, vnde deferri solebat, plures naues ea onustæ vehuntur, quàm Cantabri ferrum mittunt.

QUÆ Venetiis ad nos ex India Orientali mitti solebat, cum immatura collecta esset, temporis diuturnitate & itineris longinquitate ad nos ita corrupta perueniebat, ut parum utilitatis præstaret. Nostra verò ex insulis prædictis, Delectus. matura est, crassa, plena, ponderosa, medullosa, & adeo recens, ut interdum sexagesimo postquam collecta est die, huc perferatur: & quia recens, gratiæ saporis, non tetri, ut quæ ex Oriente deferrebat, facilius vires suas exerit.

BENIGNE purgat & sine vlla alui perturbatione, bilem præsertim, deinde pituitam, postea quæ in meatibus & intestinis infarcta sunt, euacuat. Temperatos illos efficit, qui ea vtuntur: sanguinem purgat. Vtilis in omni morborum genere, sed maxime renum, & vrinæ, duabus horis ante cœnam sumpta. Defluxionibus prodest, duabus à leui cœna horis. Quotidianus eius vsus est ad pectoris & laterum vitia, eclegmatis modo. Conuenit febrium ardoribus, & sitim extinguit. Assiduus illius vsus ante prandium aut cœnam, calculi generationem prohibet. Facultates.

FORIS cum amygdalarum dulcium oleo illita, graues pulmonum & renum dolores mitigat.

d s

DOSIS

DOSIS pulpæ eius est decem drachmarū, ad sesquiunciam vsque; non exempta verò, quatuor vnciarum. Lenit, resoluit, sanguinem depurat, & eius bilisq; calorem infringit. Humida est in primo gradu, ad calorem, sed mitem tendens.

IN istis insulis primum coli cæpit, postquam in nostram potestatem venerunt.

NON desunt qui huius Auctoris iudicium improbent: siquidem Orientalis cassia, cæteris paribus, longè præferenda est.

Fructus ad bilem.

EX maritimis Nicaragua & Nata (quæ sunt in noui orbis continenti) inuehitur in Hispaniam medicamenti genus purgans, bilem præsertim.

Fructus 'bi-
lem euacuās.

FRUCTVS est arboris cuiusdam vastæ, castaneis similis, sed calyce laui, non, vt illarum, echinato: eo calyce fructus continetur castaneis non multum absimilis, sed sine cortice, & ferè quadratus, qui in duas partes diuisus est, intercurante medium, & totum deinde ambiente pellicula.

Facultates.

EDITVR hic fructus viridis, aut contusus vino exceptus: si siccus, eius puluis ex vino aut gallinæ iusculo sumitur; datur etiam tostus, vt minus purget: quocumque tandem modo sumptus, sine molestia purgat, obseruatis iis quæ à purgatis obseruari solent, & preparatis prius vt decet humoribus. Illud verò minimè prætereundum est, pelliculam illam exteriorē & internam abiiciendam esse, alioqui graui symptomata excitaturam, veluti ingentes vomitus, animi deliquia, & periculosa alui profluvia. Calidus est in primo gradu.

Auellanæ purgatrices.

Auellanæ
purgatrices.

NOVO orbe primum inuento, insula diui Dominici quoddam genus Auellanæ misit, qua se Indi familiariter purgabant. Postea Hispani necessitate compulsi, illis etiam purgare se cæperūt, non sine vitæ discrimine. Colore & forma nostris

AVELLANÆ PURGATRICES. 59

manostri Auellanis similes sunt, putamine tenui, coloris spadicei, triangulares, medulla interiore alba & dulci, sic ut multi, dulcedine illecti, decepti sint.

Auellanarum historia.

MEDICORVM vulgus eas Ben magnum vocat (nam Ben est duorum generum) Paruum autem ciceris magnitudine est, & ex eo Itali odoratum illud oleum, quod de Ben nuncupant, conficiunt, quo sibi cesariem & barbam inungunt deliciarum gratia.

Ben magnū.

Ben parū.

VALIDISSIME pituitam & bilem supernè & infernè purgant. Nonnulli tamen earum vehementiam assatione infringebant. Coli doloribus præsens sunt remedium, flatu discutiunt, & clysteribus injecta, mediocriter euacuant.

Facultates.

DOSIS est à dimidia drachma ad drachmam vnam: sed assanda sunt. Calidi sunt temperamenti initio tertij gradus, & sicci in secundo.



Auellana hæc cum plerisque aliis fructibus peregrinis communiata mihi fuit ab illustri viro D. Ioanne de Brancion, rei herbariæ studiosissimo, nec ullis parcente sumptibus, ut suum hortum omni peregrinarum plantarum genere excoltissimum reddat.

Cæterum Auellanam hanc, cuius iconem hîc exhibeo, lentus & mollis contegit cortex, partim ex cinereo candicans, partim nigricans: hunc sequitur putamē minus solidum quàm in vulgaribus Auellanis, id nucleum

60 NUCLEI PINEI PURGANTES.

id nucleum continet Auellanae magnitudine, candidum, solidum, Auellanae vulgaris aut iligneae glandis sapore, tenui membrana obdutum. Integra nux altera parte sessilis est, & coniunctim binæ nasci videntur, ut interdum castaneæ.

Nuclei pinei purgantes.

Pinei nuclei
purgatorii.

TRANSMITTIT etiam noua Hispania, Pineorum nucleorum genus, quo Indi se purgabant: quos imitati sunt plurimi harum regionum.

Descriptio.

NOSTRIS pineis similes sunt, nascentes in strobilis magnis, quales sunt Mayzi spicae muticae: molliori putamine, & nigriore quam nostri pinei nuclei, rotundi, intus albi, pingues, & gustu dulces.

Facultates.

BILEM, pituitam, & aquas validissime purgant: & licet Auellanis mitiores, attamen vomitum cient, atque ventrem subducunt. Assi, neque tam valenter, neque cum tam magnis torsionibus purgant. Peculiari quadam facultate crassos humores expellunt.

QUINQUE aut sex triti & vino diluti, dantur pro virium robore, preparato prius conuenientibus Syrupis humore, qui euacuandus est, & obseruata, quæ decet, victus ratione. Etenim qui eis vtetur, illum obseruare oportet, quæ ab his obseruari solent, quibus purgans medicamentum propinatum est.

CALIDI in tertio, & sicci in secundo, pinguedine tamen quadam præditi, quæ siccitatem nonnihil imminuit.

Fabæ purgatrices.

Fabæ purga-
trices.

FABÆ purgatrices, quæ Carthagine, & Nomine Dei nascuntur, nostris similes sunt, sed minores, eiusdem cum nostris formæ & coloris, pellicula quadam tenui, ut ceparum tunica exterior, illas per medium intersecante, quæ cum cortice abiicienda est, alioqui tanta vehementia supernè & infernè purgans, ut in vitæ discrimen sumentem coniciat. Assandæ deinde sunt, ut illarum acrimonia infringatur, deinde in puluerem comminuenda.

DATVR


DATVR hic pulvis vino aut saccharo exceptus, ad Sumendis-
tio.
cochleare vnum, deinde haustus vini sumitur.

APVD Indos hoc medicamentum celebre est ob su- Facultates.
mendi facilitatem: nam sine molestia bilem, pituitam, &
crassos humores, multo lenius & facilius quàm superiora
medicamenta purgant.

DANTVR in febris diuturnis & importunis, in coli
doloribus, & articulorum morbis.

DOSIS esto assatarum à quaternario numero ad se-
narium, pluriùve aut pauciorum, pro ægri viribus.

Aliquot peregrinos fructus accepi Fabæ purgatiuæ nomine insigni-
tos: sed nullus mihi coniectus est, qui fabæ purgatiuæ nostro auctori
descriptæ conveniret, at potius inter Phaseolos, omnes recensendi vi-
debantur.



Prior, cuius hic iconem exhibemus, orbiculari ferè est forma, sed
planus utrimque & quodammodo pulvinatus, digiti vnius crassitie,
duorum verò latitudine aut ampliore, ex vno latere aliquatulum ca-
vo, qua videlicet hilus esse solet, & siliquæ, in qua continetur, adhæret:
cortex durus & lignosus, lævis, ex rubro nigricans: quod intus conti-
netur al-



PHASEOLVS ALTER BRASILIANVS. 63



netur album, firmum, & in duas partes natura sectile, ut sunt omnia phaseolacea: sapore primum quali sunt omnia ferè legumina, sed illico linguam mordicante, & acris quo fit (ni fallor) ut purgandi facultate præditus.

Nascitur in insula Diui Thomæ dicta, & cordis effigiem, quale vulgo pingi solet, imitatur: idcirco à quibusdam Cor Diui Thomæ nuncupatur. Eius obiter meminit Petrus Cieça parte prima Chronici cap. 112.

Alter Phaseolo-vulgari haud dissimilis est, sed minor, densior, nigricans, & hilo prominente, & renis formam minimè referente.

Cùm Olysiopone essem, donatus sum Phaseoli genere ex Brasilia Americae provinciae delato, admodum recenti, pollicati latitudine, crasso, colore rufescente, magno hilo, & parte extrema veluti testili: Eiusmodi quatuor aut quinque singulis siliquis prægrandibus continentur, qui recentes & virentes adhuc tusi & impositi bubones venereos curare dicuntur: flore traditur ex rubro pallescente: ego dumtaxat iuniorē plantam vidi mihi semine natam, quæ foliis Phaseolo-vulgari ferè similis erat, nisi quod minora erant, & aversa parte hirsuta, præsertim teneriora folia, & extremi caules tenui mollique lanugine fulvescente obsiti. Brasiliani Macouna vocant: similes planè, & colore, qui ex cinereo candicans est, dumtaxat differentes, ex Africa Mauritania delatos vidi.

Vidi etiam non procul Olysiopone in monasterio quodam Phaseoli genus vulgari nostrati adeò simile, ut nostrum putarem, pergulas istic vestiebat opere topiario, flore purpureo, at siliquæ scabrae sunt, breviores, & duplo latiores quàm nostri vulgaris: fructus est exiguus pisi vulgaris magnitudine, totus niger, nisi qua parte siliquæ adhaeret, quæ candida est. Brasilianis frequentem esse audiui, & Lusitanis istic habitantibus Fava braua, id est, fabam siluestrem nuncupari.

Lac Pinipinichi.

PINIPINICHI. *IN omnibus continentis oris, lacteus quidam succus elicitur ex arbusculis Malorum similitudine, Indi Pinipinichi vocant: cuius rami recisi, lacteum humorem illico exsudant, aliquantulum densum, & viscosum, cuius tres aut quatuor guttæ sumptæ, validissimè per secessum purgant bilem & aquas.*

Facultates.

BIBITUR ex vino, aut eius desiccati pulvis deglutitur pauca quantitate, propter nimiam vehementiam.

ILLUD autem peculiare habet, quod si quis, eo sumpto, iusculum, vinum, aut aliud quid iniiciat, subito eius operatio infringitur, & cessat.

SYMPTO aliquo ex superioribus medicamentis purgantibus;

gantibus, somno abstinendum est, & ea obseruanda, quæ ab his qui purgans aliquod medicamentum sumpserunt, obseruari solent.

CALIDVS & siccus hic liquor in tertio gradu.

OMNIA iam enumerata medicamenta valida sunt & pernicioſa, quibus vti desitum est, postquam Mechoacan receptum est, cuius vsus minime periculosus est. Et ad ipsum, tamquam ad medicamentum præstantissimum confugerunt non solum nostri, sed omnes etiam Indiarum incolæ. De quo nunc acturi sumus.

Mechoacan.

MECHOACAN radix est ante viginti annos pri- Mechoacan.
mum reperta, in prouincia Mechoacan dicta, quadraginta miliaribus supra Mexico, quam deuicit Ferdinandus Cortesius, anno 1524.

IAM vidimus apud Franciscanos huius vrbis nascentem, ex ipsa prouincia Mechoacan nauim delatam, multis ramis luxuriantem supra terram expansis, colore cinereo, qui vicinas perticas aut pergulas scandunt, & multiplici nexu amplectuntur, foliis rotundis, in mucronem desinentibus, secundum pediculum amplis, fibrosis, adeo verò delicatis, ut humiditate carere videantur: fructu coriandri sicci magnitudine, racematim coherente, qui Septembri matureſcit: radice crassa, vitis albæ seu Bryoniæ modo, ut non defuerint qui eandem plantam esse putarent, aut saltem ei congenerem: sed multum differunt, nam Bryoniæ radix viridis & sicca admodum acris est: Mechoacan verò insipida & sine acrimonia.

MILII semine obruta seruatur hæc radix, aut lino picato seu resinato inuoluta.

CÆTERVM nunc ex Continenti aduehitur Mechoacan, natum circa Nicaragua & in Quito (ubi diligenter collitur, & magno in vsu est, ob eius mirabiles effectus) longè præstan-

Mechoacan
alterum.

Forma.

præstātius eo quod ex noua Hispania adferri cōsuevit: cuius flos, semē & ramuli etiam allati sunt. Erat verò is flos quasi mali aurea, quinque foliis constans maioribus, è cuius umbilico protuberat calyx siue vesicula quedam auellana magnitudine, membrana constans tenui, albicante, quæ in duas cellulas tenuissima pellicula secretas diuiditur, & in singulis bina grana, ciceris exigui magnitudine, colore per maturitatem nigro, gustu insipido continebantur, quæ molli & spongiosa terra excepta, commodè nascuntur.

Ex huius radice fit conserua varij generis, Cydoniorum modo, sed etiam Gelatina ex saccharo & illius succo, quæ in deliciis esse possunt: nam vt radix est insipida, facile saccharum recipit, quocumque tandem modo paretur.

MOLESTA non est huius radice sumptio, quia nullius mali saporis est particeps, ideòque pueris, senibus alijsque qui cetera medicamenta respuunt, utilis est.

Facultates.

PITUITAM præsertim & aquas educit. Ictericum, cephalæam, strumas, & epilepsiam curat, veteresque defluxiones sistit, articulorum, coli & renum doloribus utilis est. Conuenit etiam vteri doloribus, asthmæ, tussi veteri, febribus & lue venerea vexatis.

Exhibendi ratio.

HUIUS autem radice sumende ratio talis est. Purgato prius corpore serapiis, clysteribus, aut sanguinis missione, & diæta, pro medici iudicio; huius radice leuiter contusa puluis vino albo maceratus, aut aqua fœniculi, anisi, aut cinnamomi (si quis vinum non fert) summo mane propinatur, dimidia drachma pondere pueris, vnius drachmæ iuuenibus & adolescentibus, duarum verò drachmarum viris & mulieribus. Nec inutiliter datur ex syrupo nouem infusionum. Dimidia post sumptum hoc medicamentum hora somnus conceditur, iis præsertim qui vomitibus obnoxij sunt. Facta purgatione, datur iusculum, & paulo post cibus, qualis his dari solet qui sese purgant.

Puluis.

*FIVNT nonnumquam ex eodem pulvere catapotia Catapotia:
toriandri sicci magnitudine.*

*IN manu autē est Medici, * aut eius qui sumpserit, eam
humoris quantitatem purgare quam volet, quoniam sum-
pto pauxillo iusculo, aut alia re, eius operatio ilico cessat.*

*MITTIT nobis Promontorium D. Helenæ, quod in Mechoacai
eodem quo Nicaragua tractu est, aliud Mechoacan genus filuestris.
filuestris, quod grauia Symptomata excitat, vt vomitus
immodicos, tormina, & alui profluvia, quam ob causam
Scammonea nuncupatur: sed nemo (periculo semel facto)
vitur. Simile est alteri cum folio, tum sarmentis, tum ra-
dice, sed per omnia minoribus: & ipsa etiam radix acrimo-
nie nonnihil habet.*

*Missæ sunt nobis ex Hispaniis ante paucos annos duo seminis Me-
choacan genera, vtrum breui calyculo siue filiqua, semineque nigro,
quale est Scammonij aut Conuoluoli maioris: Alterum oblongiore
aliquantum calyculo, & semine rufo, & quam superius longiore, te-
nioriūque: Vtriusque filiqua parte interiore lanuginosa est.*

*Ex vtriusque semine natæ sunt nobis, & aliquot aliis rei herbariæ
studiosis plantæ, quas subsequenti hiemis iniuria sustulit. Prodibant
Scammonij aut Conuoluoli modo, deinde multis sarmentis proxima
pedamenta scandebant & amplectebantur: foliis Conuoluoli maio-
ris, sed tenerioribus & colore magis fuluente.*

** Negat Ioan. Fragosus Regis Catholici Medicus, iusculo aut alio
cibo iniecto Mechoacan vim purgatiuam sisti aut infringi, & quoti-
diana experientia id se obseruasse ait, eandemque nostri Auctoris in
Pinipinichi opinionem reprobare.*

*Meminit Petrus Cieça parte prima Peruanæ historiæ, in prouincia Radix
Quimbayâ, cuius metropolis Carthago magna, nasci tenues quasdam Quimbayâ:
radices digiti crassitudine inter arbores, quarum si fragmentum bra-
chiali longitudine aquæ sextario per noctem maceretur in vase ali-
quo, maiorem aquæ partem ea nocte absumet. Ex ea quæ supererit a-
qua, qui tres vncias sumpserit, adeo benigne purgabitur, & sine mole-
stia, uti si Rhabarbaro purgatus esset, & aliquoties periculum fecisse
scribit magno purgatorum commodo.*

Piper.

*TOTO Continentis tractu in quo Nata, Carthago,
& etiam in Nouo regno, magnus est vsus Piperis cuiusdam
oblongi, quod maiore acrimonia preditum est Orientali,
magisque aromaticum, & iucundiore odore spirat, quam*

Axi.
Capsicum.

Forma.



Capsici hi-
storia.

Axi seu Capsicum; quinetiam præfertur Piperi nigro, cum saporis tum suauitatis causa.

ALTÆ cuiusdam plantæ fructus est oblongus, crassitie quidem funiculi, at dimidiij pedis longitudine, constans veluti multis granulis, circa pediculum oblongum continuo & coniuncto ordine dispositis, seminis plantaginis modo. quibus ademptis, pediculus nudus conspicitur. Recens viridis est, sole maturescit & nigrescit. Calidum est tertio gradu.

NEC prætermittendum est Piper ex Indiis nostris missum, quandoquidem non modo in medicum usum receptum est, sed plantæ est excellentissima, & toti Hispaniæ notissima: nam nullus est hortus, in quo non seratur ob fructus pulchritudinem. Vidi aliquando in hac vrbe plantam ad arboris altitudinem excrecentem.

FOLIO est viridi, ocymo latifolio simili, flore albo, ex quo pullulat fructus diuersæ formæ, oblongus, rotundus, Melopeponis forma, aut cerasiorum, sed immaturus viridis est, maturus verò colore rubro gratissimo.

PARTICVLATIM concisum & iusculo maceratum, meliorem saporem edulis conciliat, quàm Piper vulgare, ideoq; eius vsus est in omnibus in quibus aromata ex Maluccis insulis & Calecutio delata cõmendantur, in eo solum differens, quòd illa multis aureis emuntur, hoc sola satione acquiritur: nam in vna planta colliguntur aromata in totius anni vsus, minore dispendio, & maiore commodo.

Facultates.

FLATUS discutit, vtile pectori & perfrictionibus, calefacitq; & roborat partes internas. Caliditatis & siccitatis in quarto ferè gradu particeps.

Capsicum hoc, seu Piper Indicum (Americum potius) diligentissime colitur tota Castella cum ab hortulanis, tum à mulieribus in fenestris ædium suarum. Etenim eo vtuntur per totum annum cum vi-
gente cum





gente tum sicco, pro condimento & pipere. Spectatur varia (vt noster auctor ait) forma: sed & hæc omnia genera aliquando vidi colore flavescente, in Lusitania, monasterio quodam circa Olysiponem.

Aliud Capsici genus obseruavi in nonnullis Lusitaniz locis, fruticosum, cubitalibus ramis, virentibus, foliis hortensis Solani ferè, aliquantulum angustioribus: flore candido exiguo, vt Solani hortensis, fructu in longis pediculis paruo, per initia viridi, deinde nigricante, vbi maturuit, rubro, continente multa semina latiuscula alterius Capsici modo, tam feruidi gustus, vt fauces aliquot dies incendat gustatum. Floret, & fructum profert toto Autumno, & in calidioribus regionibus etiam hieme. Illi vocant Pimenta de Bresil, hoc est, Piper Brasilianum, in qua prouincia abundanter nasci, multiplicique in vsu esse intelligo.

Ceuadilla.

PERLATA sunt ad me cum aliquot aliis plantis ex Hispania noua, semina cuiusdam plantæ Ceuadilla istic Ceuadilla. vocata, id est, Hordeolum, à similitudine quam cum nostro bordeo habet in spica & vaginulis, quibus semen includitur, sed minus eo, lini semine neutiquam maius, & longè aliis facultatibus præditum. Etenim numquã auditum est plan- Facultates. tam aliquam adeò vrente, & caustica vi præditam; sic, vt vbi cauterium necessarium est in gangrenis, & putridis impurisque vlceribus eosdem præbeat effectus, quos non modò sublimatum, sed ignis etiam præstare posset: etenim vermes in vlceribus necat, putridaque vlcera expurgat puluis eius sensim iis inspersus, maiore minoræque quantitate, pro vlceris magnitudine, adhibitis præseruatiuis, quæ in huiusmodi remediis vsurpari solent. Itaque, cum eius facultates infringere volunt, puluerem stillaticio rosarum aut plantaginis liquore excipiunt, linumq; aut ellychnium eo intinctum vlceribus & gangrenis imponunt: deinde sarcotica medicamenta adhibentur, pro cheirurgi docti & experti iudicio.

EADEM ratione vsurpatur in animalium malignis vlceribus, quibus plerumque infestantur.

CALIDUM est hoc semen in quarto gradu, eoque etiam amplius, si plures sint gradus.

Sulphur viuum.

Sulphur
Quitenſe.

MITTIT nobis Quito prouincia Peruana Sulphur viuum preſtantiffimum, vt vitrum tranſlucidum, colore auri ſincerrimi, cuius fragmētum puſillum lucernæ adpoſitum, odorem maximum Sulphuris ei aculatur ſumo viridi permixtum: & antequam incendatur, nullum Sulphuris odorem præbet.

Facultates.

H V I V S puluis vino diſſolutus, & per aliquot dies faciei veſpere illitus (purgato prius corpore) inflammationes curat. Scabiem tollit, roſaceo oleo mixtus. Drachmæ pondere cum oui luteo ſumptus, coli doloribus, nephritidi, neruorumq; contractionibus & ictero utilis eſt. Calidum et ſiccum eſt hoc ſulphur ſummo exceſſu.

Sulphur Ni-
caraguanū.

EX Nicaragua aliud Sulphuris genus aduehitur coloris cinerei, denſum, & expers tranſparentiæ, nihilq; cum alio commune habens præter odorem.

Ad Eryſipelas.

Medicamē-
tum ad ignē
ſacrum.

NOBILIS ille qui Piper longum mihi dedit iam antè deſcriptum, Peruana Carthagine attulerat placentā quandam foris nigram, intus luteam, & adhuc humidā, tametsi bis mille fere miliaribus allata eſſet. Eius pauxillum me præſente diſſoluit aquæ roſacæ ſtillaticio liquore, & eo faciem filij ſui, qui eryſipelate laborabat, illiuit: poſtridie ſimili liquore calente faciem illius abluuit: facies adeo integra & ſana reddita eſt, atque ſi eryſipelate non laboraſſet.

CONFECTAM verò referebat hanc placentam è lumbricis, quos Indi terra eximentes, Mayſi folijs educant, deinde iam pingues ſicili coquunt, eos deſpumando: colatos deinde rursus decoquunt, donec ad vnguenti conſiſtentiam aut etiam denſiorem reduxerint.

Carlo Sancto.

ANTE triennium ex Mecchoacan prouincia delata eſt
quadam

quedam radix Carlo Sancto dicta, cuius insignes facultates predicant. Carlo sancto.

NOSTRO lupulo similis est, & perticis se conuoluit illius more; quibus si careat, humi spargitur & diffunditur: Descriptio.
folia etiam Lupulo similia, colore viridi, sed obscuriore, odore graui: neque florem, neque fructum fert. Radix crasso capite est, ex quo alia radices oriuntur digiti maioris crassitudine, colore candicante: cortex qui facile separatur, cuiusq; vsus est odore aromatico, gustu amaro, cum quadam acrimonia: neruus radice cortice spoliatus, multis quasi filuris seu tabellis tenuissimis constare conspicitur, quae sigillatim separari possunt.

NASCITVR temperatissimis prouinciæ Mechoacan Natales.
locis, solo neque nimium sicco, neque humido. Calida & sicca initio secundi gradus.

RADICIS cortex mane aliquanto tempore comman- Facultates.
ducatus, multam pituitam, aliosque humores ex capite elicit, eamque ob causam rheumatismos & capitis dolores & defluxiones curat: in nonnullis etiam vomitu multam bilem & pituitam è stomacho expellens, sed illius decoctum maximè, cuius gratia ventriculum noxiis humoribus liberat, eumque roborat: purgationem tamen precedere necesse est.

IDEM commanducatus, gingiuis abscedentibus auxilio est, dentes stabilit, eosque à scabritia & corruptione liberat, orisque halitum commendat: sed postea vino os eluendum, ad amaritudinem tollendam.

PVLVERIS eius exigua quantitas ex vino albo, aut adianti, canellæ decocto sumptus, vuluam obstructionibus liberat, mensesq; prouocat, & flatus discutit, purgato videlicet prius corpore, & aluo (dum eo remedio vtetur) ex æquis partibus Liquidambar & vnguenti Dialthæe inuncto.

CORDIS affectibus, iis præsertim qui ex vteri sympathia

pathia oriuntur, auxilio est eius pulvis, ut antè, sumptus, aut illius decoctum hoc modo præparatum.

Carlo san-
cto decoctū.

RADICIS minutim concisæ drachmæ duæ in aquæ se-xtario & dimidio coquuntur ad dimidias, corticis citri in pul-uerem reducti drachmæ quatuor, pulueris Canellæ drachmæ duæ statim iniiciuntur, ac denuo feruent, deinde colantur. Istius decocti sex uncia singulis diebus mane addito saccharo propinantur, purgato tamen prius ut decet corpore.

HUNC pulverem, & decoctū nonnulli in morbi gallici affectibus, atq. etiam Epilepsia cōmendant. Alterum experi-ri nō admodum necesse est, quod multis aliis ad eum mor-bum remediis abundemus. Alterius periculum faciam in iis qui vigesimum quintum ætatis annum nondum excessere: nam Epilepsiam in adultis tollere, non est verisimile.

Radix S. Helenæ.

Radix D.
Helenæ, &
eius histo-
ria.

EX portu S. Helenæ, qui est in provincia Florida, adse-runtur radices quedam prælongæ, sed nodosæ admodum, pol-licari crassitudine, foris nigre, intus albæ, sapore aromatico, Galangæ ferè simili. Resectis his nodis & perforatis, fiunt precarie spherulæ, quas milites Hispani & Indi de collo sus-pendentes, multum illis tribuunt. Hi siccati rugantur, du-riq. & quasi cornei fiunt, Planta ramos suos per terrā dif-fundit, foliaq. ampla & viridia admodum profert.

Natales.

NASCITUR locis humidis; sicca initio, calida in fine secundi gradus existimatur.

Facultates.

HAS radices Indi lapidibus conterunt, totumq. corpus sibi inducunt balneaturi, quoniam cutim constringunt, & membra, ut inquiunt, suo grato odore roborant.

ILLIUS pulvis cum vino haustus, in ventriculi dolori-bus, vrine difficultatibus, & nephritide commendatur.

UT ex descriptione facultatibusque huius plantæ colligere licet, ad Cypeti genus aliquod referri poterit.

Guacatane.

MISSA nobis est ex Hispania nova plantula quedam
candicans

candicans (sed sine radice) Indis Guacatanæ nuncupata, Guacatanæ.
nostro Polio montano haud absimilis, sed inodora, quæ an
florem aut semen proferat, ignoro.

AD hæmorrhoides commendatur hac ratione. Eius Facultates,
plantæ decocto ex vino (si calor absit) alioqui ex aqua, hæ-
morrhoides abluuntur, deinde blandè siccantur, postmodum
eiusdem plantæ puluere insperguntur.

DOLORES ex frigore & flatibus ortos, in quacumque
corporis parte sedat, si locus resina prius inunctus, tenuissimo
huius puluere inspergatur, & pannus lineus superimpona-
tur; nam ilico adhærebit Cerati modo, nec inde amoue-
bitur, nisi dolore mitigato.

EIVS pulvis leuibus vulneribus impositus, præsertim
inguinum, ea mundat & ad cicatricem perducit.

MISSÆ item sunt ad me aliquot aliæ plantæ, sine no-
mine, quarum vnius ex aqua decoctum calidè sumptum,
pectoris vitis auxilio est.

ALTERA, quæ partus mortuos, secundasq; morantes
trahit, cuius rei magnam experientiam habent Indi.

TERTIAM, si (cùm maximè viget) quispiã colligere
volens dumtaxat contingat, ilico flaccescit & procumbit.

QUARTA per solum diffusa est & expansa: si quis
tamē eā attingat, statim cōtrahitur: vt brassica murciana.

HELLEBORVS item niger Hispanico similis, & iis-
dem facultatibus præditus.

MULTA præterea alia medicamenta in Indiis nostris
inueniuntur, insignibus facultatibus prædita, quæ cùm tem-
pore (vt iis vti possimus) innotescunt: vt ex eorum quæ ha-
tenuis allata fuerunt, vtilitatibus colligere licet, quandoqui-
dem infiniti morbi, qui alioqui incurabiles videbantur, ho-
rum usu curati sunt.

QVÆ omnia meæ diligentie accepta ferre oportet, &
prima huius meæ historie parti, quæ per vniuersum orbem
admodum

admodum celebris fuit, ob medicamentorum quæ in ea continentur descriptionem.

ET vt omnes intelligant quàm utilis meus hic liber fuerit, subiicere hic libet Epistolam ad me scriptam ex Peruviana vsque regione, à nobili quodam viro, ante duos menses: etenim ex eorum quæ in illa descripsi lectione, inuenti sunt in Peru lapides Bezaares, Orientalibus haud inferiores viribus: de quibus Deo volente in tertia parte agemus.

Epistola ad D. Nicolaum Monardis.

NON dubium est Clarissime Doctor, quin novum videbitur, me virum illiteratum, semperq; militiam in his regionibus secutum, ad te scribere de iis quæ ad facultatem vestram pertinent. Verùm animi mei erga eruditos viros propensio (in quorum numero tu es, ob libri tui lectionem, quem de Medicamentis in his regionibus nascentibus eorumque facultatibus euulgasti, & laudem quam eo libro hic consecutus es) fecit vt etiam ignotus has ad te dederim. Etenim satis commendare non possim utilitatem quam hic attulit tuus iste liber, cum ex eo rationem consecuti simus, qua medicamentis vtendum sit, ex quibus sine methodo antè vsurpatis, nullum auxilium percipiebamus: nunc verò ex tui libri lectione, plerique à morbis, qui deplorati videbantur, liberati sunt.

IAM sunt plures quàm viginti octo anni, quòd militiam sequens, per has Indias peregrinor, in quibus non solum quæ à te descripta sunt, nascuntur, sed etiam pleraque alia, quorum fama nondum ad vos peruenit, ob Medicorum huc à vobis comitantium magna ex parte negligentiam & inscitiam, quibus publica utilitas (quam tamen summam præstare possent) cura non est, sed vt quæstui dumtaxat seruiant.

Animal lapidem Bezar gignens.

FORMAM animalis, ex quo lapis Bezar extrahitur, in tuo libro describis. Ea diligentius perpensa, animalium
genus

genus quoddam in istis montibus frequens inuenimus, valde simile iis hircis (nisi quod cornibus orbū est) quos in Orientali India reperiri tradis. Rufi sunt coloris magna ex parte, & herbas salutiferas depascuntur (quarum magna est copia in montibus ubi ista animalia degunt) ita fugacia, vt solo tormentorum aeneorum ictu adsequi possimus.

DECIMA quinta Iunij huius anni 1568. ego cum aliquot amicis ad venationem profecti sumus in huius regionis montes, in eam quinque dies insumpsimus, & aliquot ex his quæ dixi animalibus confecimus; cumq; eorum causa venationem suscepissemus, librum tuum contuleramus.

APERTO itaque maximo, & prouectioris ætatis animali, neque in ventriculo, neque in alia parte corporis lapides inuenimus; quo factum est, vt Indicis animalibus similia non esse putaremus. Percontati Indi, quos, vt nobis inferuient, deduxeramus qua corporis parte lapides hæc animalia haberent, se quidquam de lapidibus scire negabant (vt sunt nobis infestissimi, nec sua secreta nobis innotescere vellent) Indus tamen puer, decem aut duodecim annos natus, cum videret nos tantopere id scire cupere, in animali receptaculum quoddam & veluti marsupium nobis ostendit, in quod depastas herbas recipiunt, donec eas postea ruminatas in ventriculum traiciant. Ibi puerum illico interficere voluerunt Indi, quod nobis id indicasset; eum tamen postea, nobis in venatione occupatis, interceperunt, & vt intelleximus, sacrificarunt. Indi eos lapides magno habent in pretio, eosq; in Idolorum suorum delubris, quæ Guacas vo-

Guacas.

ILLUD autem admiratione non caret, hoc animal per totas has Indias non reperiri, præterquam in montibus istis Regni Peruani. Nam ego omnia Mexicana regna, omnes Peruanas prouincias & regna, prouincias & insulas Ma-

Animal Bezaares lapides gignens in solis Peruanis montibus.

rañon,

rañon, Floridam; & multas præterea Occidentalium Indiarum regiones peragravi; attamen nusquam hæc animalia conspexi; quam in solis huius regni Peru montibus.

Facultates.

E G O qua potui diligentia ab Indis amicis de horum lapidum facultatibus inquirens, intro sumptos, aut foris impositos mirifice venenis & toxicis resistere intellexi, cordis affectibus auxiliari, tineas ventris expellere, & eorum pulverem vulneribus sagittarum toxico illitarum utilissime inspergi. In summa hunc lapidem alexipharmacum esse perniciosissimi illius toxici quo sagittas suas illinunt, ad sese mutuo conficiendos, atque etiam nos Hispanos, quorum plerique, post vehementes cruciatus & furores mortui sunt, nullum auxilium inuenientes: tametsi in sublimato vulneribus insperfo nonnulli leuamen senserint: verum si toxico recenti illitæ sagittæ sint, præsentaneam perniciem adferunt, nec sublimatum prodest.

E x animalis igitur quod primum secum bursula, novem lapides exemimus, qui Naturæ beneficio istic creati videntur ex salutiferarum illarum herbarum succo, quæ in bursulam illam congeruntur. Secum & alia huius generis animalia, quæ confeceramus, in quibus omnibus lapides inuenimus, plures aut pauciores, pro animalium ætate.

O B S E R V A N D U M autem est, sola quæ pascuntur in montibus animalia, lapides istos præstantes generare: nam quæ in planis pabulum sumunt, ut herbas minus salubres depascuntur, sic etiam lapides eorum, tametsi viles, iis viribus non pollent, quibus ij præditi sunt qui ab animalibus in montanis degentibus eruantur.

C O E P I M U S iis uti eo ordine quem in tuo libro docuisti, & aduersus eosdem etiam morbos, in quibus sanandis mirabiles eorum effectus experti sumus, quos longum esset referre. Quæ omnia tibi accepta referre debent non modo Hispani, sed etiam vniuersus orbis. Quantum ad me attinet, ut

net, ut aliquam animi gratitudinem ostendam pro beneficio accepto, opera Ioannis Antonij Corci, diuitis mercatoris, duodecim ex iis lapidib. mitto: si eò peruenerint, eos in multis morbis experiri poteris. Eiusdem opera, an eos acceperis mihi significare poteris; etiam, quæ voles in tuam gratiam faciam, imperare, quoniam tui sum obseruantissimus.

NUNC capsulam accipies in qua Phaseoli genus inuenies, quod Martij initio tantummodo serendum erit, ne frigore ledatur. Planta est fabæ similis, minor tamen, fructu in siliquis ferens. Seni huiusmodi fructus (fabas virides sapiunt) cum sale manducati, validè bilem, mediocriter pituitam, & sine molestia hydropicorum aquas euacuant: eosdem effectus præbent sicci triti & ex vino sumpti: sed cibum paratum habere conuenit; quia si validius quàm necesse sit, purgent, cibo sumpto earum vehementia ilico infringetur.

Phaseolus
Peruanus.

[Ex Hispaniis missum fuit Imp. Maximiliano II. felicis. memoriz, anno ante quàm nobis adimeretur, Phaseoli genus, colore Macounæ simili, sed planiore longioreque forma, & hilo non admodum magno. Huic nomen adscriptum erat *Haba de India*, id est Faba Indica: tottè id erit quod hoc loco ab Auctore describitur.]

PLANTAM etiam quandam hic in planis nascentem graminis modo, magnis facultatibus præditam: siquidem eius decoctum gargarisatum, rheumatismis, gutturis phlegmonibus, aliisq; vitis auxilio est: manducata, multam pituitam educit, ideòque morbis superioribus, & capitis doloribus utilis. Denominationem à me sumpsit hæc plāta, quòd mihi familiaris eius vsus sit; & aliis, ut vtantur, consulam: cuius facultates me docuit quidam Indus in stirpium cognitione admodum versatus.

Planta graminis similis.

FRUCTVM item arboris cuiusdam, quæ solummodo in hac prouincia nascitur, Ilicis magnitudine, cortice Cerri ægylopi simili, foliis fraxini. Magnis viribus pollet: nam corticis eius puluis vulneribus inspersus, ea mundat, deinde carnem generat, & perfectè curat. Dentes eodem puluere fricati stabi-

Molle, cuius antè mentionem feci, describere videtur.

cati stabiliuntur, gingivæ abscedentes sanantur. Foliorum decocto intincti panni, & calidi vulneribus, aut pulveri corticis illis insperso impositi, curationem eorum accelerant, & humorum eò defluxum prohibent. Ex ea manat liquor odoratus, quem etiam fructui adiūxi, suffitibus idoneus ad multos capitis morbos, & emplastris utilis.

Ex eius fructu salutiferam admodum potionem Indi conficiunt. Eum istic seri & nasci velim: nam tibi delectationem adferret, ob eas quibus prædita est hæc arbor facultates, tum etiam quia novum arboris genus est, & omni tempore odoratum.

Fructus ulcerarius.

INDVS quidam Aethiopissam meum mancipium, malignis ulceribus & inueteratis vexatam, pulvere cuiusdam fructus iis insperso, ea mundavit; exesa putrida illa carne, deinde eundem pulverē cum ellychnio ulceribus sanis imposuit ad carnem generandam, vlcusque ad cicatricem perducendum. Erat verò is fructus in insula Margarita, vbi mancipium curandum dedi, admodum vulgaris, sic vt eo vulgare vescantur, magnitudine Assyrii mali, nucem Persice mali nuci similem continens, cuius concremate pulvis ad ea quæ nunc enumeravi, utilis est. Illud verò admiratione non caret, nucleum qui hac nuce continetur, adeò noxium esse, & deleteria facultate præditum, vt seu vir, siue animal eo vescatur, præsentaneam mortem sibi molitur, cui nullo remedio occurri potest, tamquam sublimatum aut corrodens aliud medicamentum sumpsisset.

Planta sanguineos sudores excilians.

IN vrbe Posto, vbi aliquot annis vixi, omnis generis morbos Indus quidam curabat, solo cuiusdam plantæ succo artubus & parti affectæ illito. Aegros deinde stragulis egregie tegebat ad sudorem prouocandum: sudor è partibus illitis emanans, merus sanguis erat, quem lineis pannis abstergebat; atque ita in curatione pergebat, donec satis sudasse putaret, optimis interea cibus eos alens. Eo remedio multi morbi de-

morbi deplorati curabantur, imo egri iuniores & robustiores ab eius usu fieri videbantur. Sed neque precio, neque precibus, neque minis vnquam efficere potuimus, vt eam plantam nobis demonstraret.

ARBOR quadam hinc inuenitur materie spongiosa, ex qua Indi numquam ignem struent, tametsi quis illis mortis periculum minitetur: aiunt enim, quotquot ad eius flammam siue ignem accedunt, aut quos solummodo fumus pertingit, in re venerea impotentes fieri.

Arbor venereos stimulos domans

TUMORES in pedibus & cruribus ex frigidis humoribus orti hic curantur herba quadam Centella nuncupata: siquidem ea trita, tumoribusq; imposita, ilico pustulas excitat, ex quibus multus humor effluit, donec tumor omnino resoluitur. Sapius istas euacuationes inter Indos fieri, & nonnullos Hispanos eis vti vidi.

Centella, & eius facultates.

ANNO 1558. in vrbe D. Iacobi, quæ est in prouincia Chile, quidam Indi captiui sivas sibi amputarunt, & eas assas, præ fame, ederunt, & (quod mirabile dictu) cuiusdam plantæ folia vulneribus imponentes, ilico sanguinem sistebant.

HERBÆ & arbores Hispanicis similes, admodum paucae hinc inueniuntur, quia solum eas non alit. In Hispania noua (cùm primum in nostram potestatem redacta est) multa arbores & plantæ Castellanis similes inuenta sunt, tum etiam aues & quadrupedes.

INVENIUNTUR hinc Colubri humana magnitudine, nulla feritate metuendi, nec cuiquam nocentes. Aranei mali citri magnitudine, admodum virulenti. Buffones pluit Hispanicis non minores, quos Indi assatos edunt, vt & plerasque alias immunditias.

Colubri.

Aranei.

Buffones.

PROXIMIS huic continenti insulis, tam multi, tantiq; vultures inueniuntur, vt pecudes deuorent, ob custodum, qui Aethiopes sunt plerumque, negligentiam.

Vultures.

VNA verò res me in admirationem rapit, vaccas in
f montibus

montibus educatas, si in plana deducantur, omnes emori. Est mihi amicus qui trecentas vaccas in plana traduxerat, ille aliquanto tempore nihil depascentes paulatim defecerunt, ut ne una quidem intra mensem ei viua relictæ sit: omnes autem trementes & tabescentes moriebantur. Adferebant nonnulli causam naturalem, cum in montibus frigidissimis, ubi singulis diebus pluit, educatæ essent, calorem illum planitiæ in quam nulla vnquam pluuiæ decidit, ferre non potuisse, & mutatione illa subita ab extremo frigore, in extremum calorem, mortuas esse. Etenim consideratione dignum est, quod in planitie illa, quæ octo dumtaxat miliaribus ad montes vsque patet, in longitudinem verò plus mille miliaribus porrigitur, numquam pluerit, in montibus autem illis vicinis pluat quotidie.

SUPERIORE Octobri venit ad nos affinis meus Alphonsus Garcias, strenuus miles, qui se verum Alexipharmacum inuenisse ait aduersus perniciosum illud toxicum quo Cannibales in bello & venationibus vtuntur (sola enim færina & humana victitant,) deguntq; à Charças ad Chile vsque Peruanas prouincias.

Planta quæ
est alexi-
pharmacum

EST verò ea planta, ut ait, foliis latis, plantaginis Hispanicæ haud absimilibus, quæ trita & vulneribus imposita, venenum extinguit, & à symptomatis illis liberat quæ toxicum generare solet. Pro magno thesauro æstimant Hispani, eam plantam se inuenisse, quoniam illius præsidio tuti, hostes suos Indos non ita metuent, qui duntaxat illis formidabiles erant, toxici illius præsentaneam mortem adferentis causa: infinitos siquidem Hispanos trucidarunt, quos tamen esui aptos negant & durior carne esse, nisi trucidati tres aut quatuor dies prius macerentur.

NASCITUR autem eadem regione, ubi fit toxicum, & (tametsi credam aliis etiam locis inueniri) voluit Deus eo loco remedium patefacere, vnde pernicies adfertur.

HÆC omnia eò scripsi, vt cōsideres apud te, quàm multæ plantæ his similes in nostris Indiis nascantur, quæ nobis ignotæ sunt, quoniam Indi neque eas, neque earum facultates nobis patefacere volunt, etiamsi nos morientes videant, aut in carcerem coniiciantur: quòd si quadam ex prædictis, & aliæ nonnullæ nobis innotuerunt, ab Indicis mulieribus eas edocti sumus, quæ Hispanis, libidinis gratia, sese commiscuentes, omnia quæ sciunt aperiunt.

VERVM prolixior esse nolo, quòd ignorem an hæc epistola ad te peruentura sit: quam si peruenisse intellexero, prolixiores dabo de facultatibus aliarum plantarum, & animalium, & de aliis rebus hîc nascentibus, quæ tibi delectationem adferent, quandoquidem harum rerum es adeò studiosus. E Lima in Peru ad 26. Decembris 1568.

Tui studiosissimus

Petrus de Osma & Xarayzeio.

TAMETSI mihi ignotus sit qui has ad me dedit; videtur tamen naturalium rerum studiosus, ideoq; mihi amplectendus. Nam vt militis munus est, perpetuò in armis versari, sanguinem profundere, & alia militaria munia exercere; laudandus est qui plantarum cognitionem, earumq; facultates inquirat. In quo Dioscoridem imitari videtur, qui cùm militaret in exercitu Antonij & Cleopatræ, quocumque tamen perueniebat, plantas, arbores, animalia, fodinas, & alia præterea Naturæ miracula inquirebat, ex quibus sex illos libros qui toto orbe celebrantur, composuit, vt maiorem laudem scribendo sit consecutus, quàm si bellica virtute multas vrbes sub imperium suum subegisset. Itaque multū huic viro debeo, cùm propter eam quam de me concepit opinionem, tum eorum quæ ad me misit gratia, mihi certè gratissima. Illi scribam, vt nobis plura ex ea regione mittat.

Lapis Bezar
Peruanus ab
Orientali
differt.

P L A N T A R V M quas ad me misit, facultates experiemur, & semina suo tempore seremus. Lapidēs Bezaares, ab Orientalibus mihi differre videntur: nam in superficie sunt perpoliti, & coloris ex cinereo obscuri, & sub duabus veluti testis aut crustis materiam quandam albam continent, quæ dentibus attrita, mera terra est insipida, potiusque infrigidare, quàm calefacere videtur. Fabæ magnitudine plerumque sunt: inveniuntur tamen magni & parui, qui magna ex parte sunt planiores. Ego vnum comminui, eiusque puluerem adolescenti, quem venenum hausisse dicebant, propinaui, & nescio an huius pulueris, aliorumue medicamentorum beneficio, sanatus est. Illius periculum in aliis morbis faciam: & quidquid de hoc, tum aliis medicamentis noui experiemur, in tercio huius historiae medicamentorum volumine describemus, in quo magna arcana continebuntur, quæ magnam omnibus oblectationem adferet, & præsertim agris, qui abs illorum facultatibus curari debebunt.

Q V I D Q V I D verò in hac historia scripsi, aut ab iis didici qui ex illis regionibus venerunt, aut ex eorum temperamentis collegimus, aut ipsa experientia nos docuit.

I L L V D verò animaduvertere oportet, omnia quæ ex nostris Indiis adferuntur, magna ex parte calida esse, & sub hoc temperamento eis vtendum, si quis illa sumere volet.

F I N I S.

I N D E X

INDEX ALPHABETICVS

IN LIBRVM DE SIMPLICIBVS
medicamentis ex Occidentali India delatis,
quorum in Medicina vsus est: auctore D. Ni-
colao Monardis.

A.

Aiotochtli	pagina 54
Alexipharmacum est Tabaco	21
Ambarum colliquatum	3
Ambar griseū 9 est Bitumē, ead.	
non est sperma Balenæ	10
eius delectus & facultates	10
Emplastrum ex eo	11
inebriat	12
Animal lapidē Bezar gignēs	76, 77
Anime	3, 4
Aranei,	81
Arbor venereos stimulos domans	81
Armadillo	52
eius facultates	ibidem
Anisum	23
Articulorum dolori Tabaco pro-	
dest	20
Auellanæ purgatrices, earum hi-	
storia & facultates	58. & 59
Axi.	68

B.

Balsamum, & eius extrahendi ra-	
tio 13 æstimatio & vsus	14
interius assumptum, foris ad-	
ditum, & cheirurgicis medica-	
mentis additum	15. & 16
purius	17
Balsami arboris historia	17
fructus	ibidem
Bangue	23
Ben magnum & paruum, atque	
earum facultates	59
Bezar lapis	76
eius facultates	78
Bitumen, & eius facultates	9
Buffones	81

C.

Capficum, eius forma, historia, &	
facultates	68

Caraña, & eius facultates	6, 7
Carbunculis medetur Tabaco	21
çarçaparilla & eius historia	36
eius delectus, nominis occasio,	
& præparandæ apud Indos ra-	
tio	ibidem
Altera præparandæ ratio, &	
vtendæ modus	37
çarçæ syrupus, & vtendi ratio	39
çarçæ puluis, & vtendi ratio	39
çarçæ aqua	39, 40
vnde inferatur	40
eius historia, & exhibendæ ra-	
tio 41 ex ea catapotia	42
Carlo sancto, eius descriptio, nata-	
les, & facultates	73
eius decoctum	74
Cassia solutiua, eius delectus &	
facultates	57
Catapotia pro sterilibus	11
Centella, & eius facultates	81
Cenadilla, & eius facultates	71
Charabe, & eius natales	3
China 33 eius historia, na-	
tales, vsus, & præparandæ ra-	
tio. 34 Aqua Chinæ sumen-	
dæ modus ibid. eius faculta-	
tes & temperamentum	36
Cicinum oleum	7
Colubri	81
Contrayerua	28
Copal	3
Copalcahuie	4

D.

Draconis arboris fructus	54
eius historia	ibidem
Dragonat	55

E.

Emplastrum ex ambaro	11
Emplastrum stomachicum	6
f 3	Encu-

INDEX.

Encubertado	52	pulvis, & catapotia	66
Erysipelatis curatio	72	Medicamentum ad ignem sacrum	72
F.			
Fabæ purgatrices, & earum facultates	60	Medicorum disceptatio de origine morbi Gallici	30
Fructus ad bilem, & eius facultates	58	Molle, eius historia, natales & facultates	46, 79
Fructus dysentericus ex Quito	55	Morbus Gallicus	18, 29
Fructus ulcerarius	80	Neapolitanus	29
G.		N.	
Gangranis medetur Tabaco	21	Naphtha	9
Guacas.	77	Nephritidi Tabaco prodest	10
Guayacan 28 & eius historia	30	Nicotiana	24
eius decoctum atque usus	31	Nuclei Pinei purgantes, eorum descriptio & facultates	60
Guayaci facultates, & Serapium ex eo	32	O.	
Guacatane, & eius facultates.	75	Ocozol	12
Guayaquil	40	Oleum cicinum	7
Gummi ad podagram, & eius facultates	55	eius facultates	ibid.
H.		Oleum ex Liquid-ambar	13
Herba Ioannis infantis: eius historia & facultates	27	Oleorum eliciendorum ratio	7
Herba Reginæ	24	Oleum ficus infernalis	7
Herba sancta	24	Opium	23
Hyuourahé, eius historia & facultates	33	P.	
L.		Pauame & eius historia	45
Lacerti Caymanes	51	delectus, temperamentum, & facultates	44
Lacerti magnitudo ingens	ibid.	eius decocti parandi ratio	ibidem
Lapis Præsius	49	Perebecenue	24
Lapis Tiburonum, & eius facultates	50	Petum, & eius genera duo	24
Lapis Caymanum, & eius facultates	51	eius natales, & facultates	27
Lapis Sanguinalis, & eius facultates	51	Picielt	18
Lapis rimas pedum curans	52	Pilulæ famem, sitimque sedantes	23
Lapis nephriticus, eius varia forma, & facultates	49	Pinipinichi	64
Lignum nephriticum	48	Piper	67
Lignum aromaticum	48	Phaseolus Peruanus	79
Lignum Indicum	30	Planta gramine similis	ibid.
Liquid- Ambar, & eius facultates	12, 13	Planta sanguineos sudores excitans	80
Lues venerea	28, 29	Planta quæ est alexipharmacum	82
M.		Polypo Tabaco prodest	12
Manati piscis	50	Præsius lapis	49
Meehoacan, & eius forma	65, 67	Q.	
eius facultates, exhibendi ratio,		Quimbaya radix	67
		R.	
		Radices venenis aduersantes	27
		Radix Quimbaya	67
		Radix S. Helenæ, eius historia, natales, &	

INDEX.

tales, & facult.	74	T.
Raphanus	23	Tabaco 18 eius natales &
Resina Ballami facultatibus præ-		facultates ibid. Serapium ex
dita	17	co 19 cruditatibus ventriculi
Resina Carthaginensis, & eius fa-		prodest ibid. alexipharma-
cultates	ibid.	cum est 21 eius experiendi
Reticus Americus	8. & 9	aduersus venena occasio 21
S.		eius vsus Indis frequens 22
Sanguis draconis : & cur sic di-		Tacamahaca, & eius facultates 5
ctus 54 eius historia, & fa-		Tartou 54
cultates	ibid.	Tiburon piscis 50
Sassafras 43 quæ & Pauame		Toçot-guebit 4
ibid. eius historia	44	V.
Scabies Hispanica	29	Vteri suffocationi Tabaco pro-
Serapium ex Tabaco	19	dest 20
Serpigo Indica	29	Vulneribus recentibus medetur
Solanum furiosum	23	Tabaco 21
Succinum non est lachryma	4	Vulneribus animalium 21
Sulphur Nicaragnanum	71	Vultures 81
Sulphur Quitense, & eius facul-		X.
tates	ibid.	Xelochopali 4

FINIS.

ERRATA SIC CORRIGITO.

Pag. 10. versu 19, infarcti 13. 31, imitationem 25. 3, rapicupit. tum è 4.
quæ app. pronunciatum. 35. 30: Febribus 38. 28, consumptio-
nem, 51. 31, Panamam.

Londini emi anno 1579. in Mercatorum porticu de Gallo nauclero
Phaseoli genus, quod è Brasiliæ Noui orbis prouincia aduectum af-
ferebat. Nostro vulgari maior est is Phaseolus latiorque, nec minus co-
lore variat: enim nunc flauus est, aut omnino niveus, modò ater, aut
purpureus, aut albis purpureisque maculis distinctus. De simili planta
natum referebat, qualis Europa est, nostrumque saporis gratia &
bonitate longè superare, si eodem modo decoquatur.

Eius iconem ad viuum expressam, in Herbariæ rei studiosorum gra-
tiam ad huius libelli calcem (quoniam suo loco inferi non potuit) re-
ponendam curauimus. Pertinet verò ad finem Annotationum in cap.
de Fabis purgat.



